

《中论》讲义 科判

龙树菩萨 造 梵志青目 释 姚秦三藏鸠摩罗什 译 中国佛学院教授理净 讲义

释道净 整理 20240730 3 稿 微信 qq 973451196 校对 圆莲 禁止商用篡改 法律责任必究

总表:

(参考甘肃民族出版社出版理净法师著作《中论讲义》校对)

科判												
一 释论题												
二 造论缘起												
三 《中论》之思想												
四 《中论》对大乘佛教的影响和作用												
五 释作者、注者、译者												
六 《中论》的组织												
七 关于《中论》的注疏												
观因缘品 第一	略破人法	明中道实相	破稟教邪迷	明中道实相	破世间人法	明大乘观行	破大乘迷失	明大乘观行	六卷 二十七品 四百四十五颂 (现存)			
观去来品 第二												
观去来品 第二												
观六情品 第三												
观五阴品 第四												
观六种品 第五												
观染染者品 第六												
观三相品 第七	广破人法	明大乘观行										
观作作者品 第八												
观本住品 第九												
破然可然品 第十												
破本际品 第十一												
观苦品 第十二												
观行品 第十三												
破合品 第十四												
观有无品 第十五												
观缚解品 第十六												
观业品 第十七												
观法品 第十八	明得益											
观时品 第十九	重破邪迷 重明中道实相											
观因果品 第二十												
观成坏品 第二十一												
观如来品 第二十二	破出世间人法 明大乘观行											
观颠倒品 第二十三												
观四谛品 第二十四												
观涅槃品 第二十五												
观十二因缘品 第二十六	破小乘人法 明小乘观行											
观邪见品 第二十七												
观邪见品 第二十七	(后二颂流通分) 重明大乘观行 推功归佛											

表 1-1: (3 表) 观因缘品 第一 分二

科判		颂释
甲一标八不叙造论义分二	乙一标八不体用及敬美人法	颂：“不生亦不灭，不常亦不断，不一亦不异，不来亦不出。 能说是因缘，善灭诸戏论，我稽首礼佛，诸说中第一。”
	乙二叙造论意分二	释：“问曰：何故起此论” 释：答曰：有人言万物从大自在天生； 有言从韦纽天生；有言从和合生；有言从时生； 有言从世性生；有言从变化生；有言从自然生；有言从微尘生。 有如是等谬，堕于无因邪因断常等邪见。种种说我我所，不知正法。 佛欲断如是等诸邪见，令知佛法故。 先于声闻法中说十二因缘；又为已行有大心堪受深法者，以大乘法说因缘相，所谓一切法不生不灭，不一不异等。 毕竟空无所有，如般若波罗蜜中说。 佛告须菩提菩萨坐道场时，观十二因缘如虚空不可尽。
	丙二序龙树作论意	释：佛灭度后，后五百岁，像法中人根转钝，深著诸法。 求十二因缘、五阴、十二入、十八界等决定相，不知佛意，但著文字。 闻大乘法中说毕竟空，不知何缘故空，即生见疑。 若都毕竟空，云何分别有罪福报应等。如是则无世谛第一义谛。 取是空相而起贪著，于毕竟空中生种种过。 龙树菩萨为是等故，造此中论。
甲二释八不义分二		颂：“不生亦不灭，不常亦不断，不一亦不异，不来亦不出。 能说是因缘，善灭诸戏论，我稽首礼佛，诸说中第一。”
	乙一青目解释分二	释：以此二偈赞佛，则已略说第一义。 问曰：诸法无量，何故但以此八事破？ 答曰：法虽无量，略说八事，则为总破一切法。 不生者，诸论师种种说生相，或谓因果一，或谓因果异，或谓因中先有果，或谓因中先无果；或谓因自体生，或谓他生，或谓共生，或谓有生，或谓无生。 如是等说生相皆不然，此事后当广说。生相决定不可得故。 不生不灭者，若无生何得有灭？以无生无灭故，余六事亦无。 问曰：不生不灭，已总破一切法，何故复说六事？ 答曰：为成不生不灭义故。有人不受不生不灭，而信不常不断，若深求不常不断，即是不生不灭。何以故？ 法若实有，则不应无，先有今无，是即为断。 若先有性，是即为常。是故说不常不断，即入不生不灭义。 有人虽闻四种破诸法，犹以四门成诸法，是亦不然。 若一则无缘，若异则无相续，后当种种破，是故复说不一不异。 有人虽闻六种破诸法，犹以来出成诸法。 来者，言诸法从自在天、世性、微尘等来。出者，还去至本处。
	丙二依世俗谛证释	释：复次万物无生，何以故？世间现见故。世间眼见劫初谷不生。何以故？离劫初谷今谷不可得，若离劫初谷有今谷者，则应有生。而实不尔，是故不生。 问曰：若不生则应灭？ 答曰：不灭，何以故？世间现见故。世间眼见劫初谷不灭。若灭今不应有谷。而实有谷，是故不灭。 问曰：若不灭则应常？ 答曰：不常，何以故？世间现见故。世间眼见万物不常。如谷芽时，种则变坏，是故不常。 问曰：若不常则应断？ 答曰：不断，何以故？世间现见故。世间眼见万物不断。如从谷有芽，是故不断。若断不应相续。

表 1-2: (3 表) 观因缘品 第一 分二

甲二释八不义分二	乙一青目解释分二		丙二依世俗谛证释	<p>问曰：若尔者万物应是一？</p> <p>答曰：不一，何以故？世间现见故。</p> <p>世间眼见万物不一，如谷不作芽，芽不作谷。</p> <p>若谷作芽，芽作谷者，应是一，而实不尔，是故不一。</p> <p>问曰：若不一则应异？</p> <p>答曰：不异，何以故？世间现见故。</p> <p>世间眼见万物不异，若异者何故分别谷芽、谷茎、谷叶，不说树芽、树茎、树叶。是故不异。</p> <p>问曰：若不异应有来？</p> <p>答曰：无来，何以故？世间现见故。</p> <p>世间眼见万物不来，如谷子中芽无所从来；若来者，芽应从余处来。</p> <p>如鸟来栖树，而实不尔，是故不来。</p> <p>问曰：若不来应有出？</p> <p>答曰：不出，何以故？世间现见故。</p> <p>世间眼见万物不出，若有出应见芽从谷出。</p> <p>如蛇从穴出。而实不尔，是故不了。</p> <p>问曰：汝虽释不生不灭义，我欲闻造论者所说。</p>			
	乙二龙树自释八不分三		丙一破四门无生	<p>颂：“答曰：诸法不自生，亦不从他生，不共不无因，是故知无生。”</p> <p>释：不自生者，万物无有从自体生，必待众因缘。</p> <p>复次若从自体生，则一法有二体。</p> <p>一谓生，二谓生者。</p> <p>若离余因从自体生者，则无因缘。</p> <p>又生更有生，生则无穷。自无故，他亦无，何以故？</p> <p>有自故有他，若不从自生，亦不从他生，共生则有二过。</p> <p>自生他生故。若无因而有万物者，则为是常，是事不然，无因则无果。</p> <p>若无因有果者，布施持戒等应堕地狱，十恶五逆应生天。以无因故。</p> <p>颂：“复次：如诸法自生，不在于缘中。以无自性故，他性亦复无。”</p> <p>释：诸法性不在众缘中，但众缘和合故得名字。</p> <p>自性即是自体，众缘中无自性，自性无故不自生。</p> <p>自性无故他性亦不生，何以故？因自性有他性，他性于他亦是自性。</p> <p>若破自性，即破他性，是故不应从他性生。</p> <p>若破自性他性，即破共义，无因则有大过，有因尚可破，何故无因。</p> <p>于四句中生不可得，是故不生。</p> <p>问曰：阿毗昙人言，诸法从四缘生，云何言不生？何这四缘？</p>			
			丙二破四缘无生分三		<table><tr><td>丁一外人立四缘有生</td><td><p>颂：“因缘次第缘，缘缘增上缘，四缘生诸法，更无第五缘。”</p><p>释：一切所有缘，皆摄在四缘。以是四缘，万物得生。</p><p>因缘名一切有为法；次第缘除过去现在阿罗汉最后心心数法，余过去现在心心数法；缘缘增上缘，一切法。</p></td></tr><tr><td>丁二论主破四缘有生分二</td><td>戊一破总四缘有生</td><td><p>颂：“答曰：果为从缘生，为从非缘生，是缘为有果，是缘为无果。”</p><p>释：若谓有果，是果为从缘生，为从非缘生。</p><p>若谓有缘，是缘为有果为无果，二俱不然。何以故？</p><p>颂：“因是法生果，是法名为缘，若是果未生，何不名非缘。”</p><p>释：诸缘无决定，何以故？若果未生，是时不名为缘。</p><p>但眼见从缘生果故，名之为缘。缘成由于果，以果后缘先故。</p><p>若未有果，何得名为缘？</p><p>如瓶以水土和合，故有瓶生，见瓶故，知水土等是瓶缘；</p><p>若瓶未生时，何以不名水土等为非缘。</p><p>是故果不从缘生，缘尚不生，何况非缘？</p><p>颂：“复次：果先于缘中，有无俱不可，先无为谁缘，先有何用缘。”</p><p>释：缘中先非有果非无果，若先有果，不名为缘，果先有故。</p><p>若先无果，亦不名为缘，不生余物故。</p><p>问曰：已总破一切因缘，今欲闻一一破诸缘。</p></td></tr></table>	丁一外人立四缘有生	<p>颂：“因缘次第缘，缘缘增上缘，四缘生诸法，更无第五缘。”</p> <p>释：一切所有缘，皆摄在四缘。以是四缘，万物得生。</p> <p>因缘名一切有为法；次第缘除过去现在阿罗汉最后心心数法，余过去现在心心数法；缘缘增上缘，一切法。</p>
丁一外人立四缘有生	<p>颂：“因缘次第缘，缘缘增上缘，四缘生诸法，更无第五缘。”</p> <p>释：一切所有缘，皆摄在四缘。以是四缘，万物得生。</p> <p>因缘名一切有为法；次第缘除过去现在阿罗汉最后心心数法，余过去现在心心数法；缘缘增上缘，一切法。</p>						
丁二论主破四缘有生分二	戊一破总四缘有生	<p>颂：“答曰：果为从缘生，为从非缘生，是缘为有果，是缘为无果。”</p> <p>释：若谓有果，是果为从缘生，为从非缘生。</p> <p>若谓有缘，是缘为有果为无果，二俱不然。何以故？</p> <p>颂：“因是法生果，是法名为缘，若是果未生，何不名非缘。”</p> <p>释：诸缘无决定，何以故？若果未生，是时不名为缘。</p> <p>但眼见从缘生果故，名之为缘。缘成由于果，以果后缘先故。</p> <p>若未有果，何得名为缘？</p> <p>如瓶以水土和合，故有瓶生，见瓶故，知水土等是瓶缘；</p> <p>若瓶未生时，何以不名水土等为非缘。</p> <p>是故果不从缘生，缘尚不生，何况非缘？</p> <p>颂：“复次：果先于缘中，有无俱不可，先无为谁缘，先有何用缘。”</p> <p>释：缘中先非有果非无果，若先有果，不名为缘，果先有故。</p> <p>若先无果，亦不名为缘，不生余物故。</p> <p>问曰：已总破一切因缘，今欲闻一一破诸缘。</p>					

表 1-3: (3 表) 观因缘品 第一 分二

甲二释八不义分二	乙二龙树自释八不分三	丙二破四缘无生分三	丁二论主破四缘有生分二	戊二别破四缘分四	己一破因緣	<p>颂：“答曰： 若果非有生，亦复非无生，亦非有无生，何得言有缘。” 释：若缘能生果应有三种：若有、若无、若有无，如先偈中说缘中若先有果，不应言生，以先有故。 若先无果，不应言生，以先无故，亦缘与缘同故。 有无亦不生者，有无名为半有半无，二俱有过； 又有与无相违，无与有相违，何得一法有二相。 如是三种，求果生相不可得故，云何言有因缘。次第缘者。</p>
					己二破次第缘	<p>颂：“果若未生时，则不应有灭，灭法何能缘，故无次第缘。” 释：诸心心数法，于三世中次第生。现在心心数法灭，与未来心作次第缘。 未来法未生，与谁作次缘？若未来法已有，即是生，何用次第缘？ 现在心甘情愿数法无有住时，若不住何能为次第缘，若有住则非有为法。 何以故？一切有为法，常有灭相故。 若灭已则不能与作次第缘； 若言灭法犹有则是常，若常则无罪福等。 若谓灭时能与作次第缘，灭时半灭半未灭，更无第三法名为灭时。 又佛说一切有为法念念灭，无一念中无是欲灭未欲灭。 则破自法，汝阿毗昙论说： 有灭法有不灭法，有欲灭法有不欲灭法。 欲灭法者，现在法将欲灭，未欲灭法者，除现在将欲灭法，余现在法及过去未来无为法，是名不欲支。 是故无次第缘。缘缘者。</p>
					己三破所缘缘	<p>颂：“如诸佛所说，真实微妙法，于此无缘法，云何有缘缘。” 释：佛说大乘诸法，若有色、无色、有形、无形、有漏、无漏、有为、无为等诸法相。 入于法性，一切皆空，无牙无级，譬如众流入海，同为一味。 实法可信，堕宜所说不可为实，是故无缘缘。增上缘者。</p>
					己四破增上缘	<p>颂：“诸法无自性，故无有有相；说有是事故，是事有不然。” 释：经说十二因缘，是事有故是事有。此则不然，何以故？ 诸法从众缘生故，自无定性；自无定性故，无有有相； 有相无故，何得言是事有故是事有。 是故无增上缘。佛随凡夫分别有无故说缘。</p>
				丁三结破缘有生		<p>颂：“略广因缘中，求果不可得；因缘中若无，云何从缘出。” 释：略者于和合因缘中无果，广者于一缘中亦无果； 若略广因缘中无果，云何言果从因缘出。 颂：“若谓缘无果，而从缘中出；是果何不从，非缘中而出。” 释：若因缘中求果不可得，何故不从非缘出。 如泥中无瓶，何不从乳中出。</p>
				丙三总破缘非缘生		<p>颂：“若果从缘生，是缘无自性；从无自性生，何得从缘生。” “果不从缘生，不从非缘生；以果无有故，缘非缘亦无。” 释：果从众缘生，是缘无自性； 若无自性则无法，无法何能生，是故果不从缘生。 不从非缘生者，破缘故说非缘，实无非缘法，是故不从非缘生。 若不从二生，是则无果，无果故缘非缘亦无。</p>

表 2-1: (2 表) 观去来品 第二 分四

科判				颂释
甲 一三时门破分二	乙 一破去去者分三	丙 一破法去分二	丁一总破三时去	<p>释：问曰：世间眼见三时有作，已去、未去、去时，以有作故，当知有诸法。</p> <p>颂：“答曰：已去无有去，未去亦无去；离已去未去，去时亦无去。”</p> <p>释：已去无有去，已去故。若离去有去业，是事不然。未去亦无去，未有去法故。去时名半去半未去，不离已去未去故。</p>
			戊一外人立去时去	<p>颂：“问曰：动处则有去，此中有去时；非已去未去，是故去时去。”</p> <p>释：随有作业处，是中应有去，眼见去时中有作业。已去中作业已灭，未去中未有作业，是故当知去时有去。</p>
			丁二别破去时去分二	<p>己一无体破</p> <p>颂：“答曰：云何于去时，而当有去法；若离于去法，去时不可得。”</p> <p>释：去时有去，是事不然，何以故？离去法去时不可得。若离去法有去时者，应去是地中有去，如器中有果。</p>
				<p>己二各体破</p> <p>颂：“若言去时去，是人则有咎；离去有去时，去时独去故。”</p> <p>释：若谓已去未去中无去，去时实有去者，是人则有咎。若离去法有去时，则不相因待，何以故？若说去时有去，是则为二，而实不尔，是故不得言离去有去时。</p>
				<p>己三二法破</p> <p>颂：“若去时有去，则有二种去；一谓为去时，二谓去时去。”</p> <p>释：若谓去时有去，是则有过。所谓有二去：一者因去有去时，二者去时中有去。</p> <p>问曰：若有二去有何过？</p>
				<p>己四两人破</p> <p>颂：“若有二去法，则有二去者；以离于去者，去法不可得。”</p> <p>释：若有二去法，则有二去者，何以故？因去法有去者故，一人有二去。二去者，此则不然，是故去时亦无去。</p>
		丙 二破去去者分二	丁一夺破	<p>问曰：离去者无去法，可尔。今三时中定有去者。</p> <p>颂：“答曰：若离于去者，去法不可得；以无去法故，何得有去者。”</p> <p>释：若离于去者，则去法不可得。今去何于无法中，言三时定有去者？</p>
			戊一总破	<p>颂：“复次：去者则不去，不去者不去；离去不去者，无第三去者。”</p> <p>释：无有去者，何以故？若有去者，则有二种。若去者若不去者，离是二无第三。</p> <p>问曰：若去者去，有何咎？</p>
			丁二纵破分二	<p>己一无体破</p> <p>颂：“答曰：若言去者去，云何有此义；若离于去法，去者不可得。”</p> <p>释：若谓定有去者用去法，是事不然，何以故？离去法去者不可得故。若离去者定有去法，则去者能用去法，而实不尔。</p>
				<p>己二二法破</p> <p>颂：“复次：若去者有去，则有二种去；一谓去者去，二谓去法去。”</p> <p>释：若言去者用去法，则有二过：于一去者中有二去，一以去法成去者，二以去者成去法。去者成已，然后用去法，是事不然。是故先三时中，谓定有去者用去法，是事不然。</p>
				<p>己三各体破</p> <p>颂“复次：若谓去者去，是人则有咎；离去有去者，说去者有去。”</p> <p>释：若人说去者能用去法。是人则有咎，离去法有去者。何以故？说去者用去法，是为先有去者后有去法，是事不尔。</p>
		丙 三破去因分二	丁一开三时门	<p>复次若决定有去有去者。应有初发。而于三时中。求发不可得。何以故？</p> <p>颂：“已去中无发，未去中无发；去时中无发，何处当有发。”</p> <p>释：何故三时中无发？</p>
			丁二破三时门	<p>颂：“未发无去时，亦无有已去；是二应有发，未去何有发。”</p> <p>颂：“无去无未去，亦复无去时。”</p> <p>颂：“一切无有发，何故而分别。”</p> <p>释：若人未发则无去时，亦无已去。若有发当在二处，去时、已去中，二俱不然。未去时未有发故，未去中何有发。</p> <p>发无故无去，无去故无去者。何得有已去、未去、去时。</p>

表 2-2: (2 表) 观去来品 第二 分四

甲一 三时门破分二	乙二破住住者分三	丙一明 三时无住	<p>“问曰：若无去无去者，应有住住者。”</p> <p>颂：“答曰：去者则不住，不去者不住；离去不去者，何有第三住。”</p> <p>释：若有住有住者，应去者住，若不去者住，若离此二，应有第三住，是皆不然。去者不住，去未息故，与去相违名为住。</p> <p>不去者亦不住，何以故？因去法灭故有住，无去则无住。</p> <p>离去者不去者，更无第三住者。</p> <p>若有第三住者，即在去者不去者中。以是故不得言去者住。</p>
		丙二明 去者无住	<p>颂：“去者若当住，云何有此义；若当离于去，去者不可得。”</p> <p>释：汝谓去者住，是事不然，何以故？离去法去者不可得。</p> <p>若去者在去相，云何当有住？去住相违故。</p>
		丙三明 一切法无住	<p>颂：“去未去无住，去时亦无住；所有行止法，皆同于去义。”</p> <p>释：若谓去者住，是人应在去时、已去、未去中住。</p> <p>三处皆无住，是故汝言去者有住，是则不然。如破去法住法，行止亦如是。</p> <p>行者，如从谷子相续至芽茎叶等。</p> <p>止者，谷子灭故芽茎叶灭。相续故名行，断故名止。</p> <p>又如无明缘诸行乃至老死是名行。无明灭故诸行等灭是名止。</p> <p>问曰：汝虽种种门破去去者住住者，而眼见有去住。</p> <p>答曰：肉眼所见不可信，若实有去去者，为以一法成，为以二法成，二俱有过。何以故？</p>
甲二一 异门破分三	乙一双关定夺		<p>“问曰：汝虽种种门破去去者、住住者，而眼见有去住。”</p> <p>“答曰：肉眼所见不可信，若实有去去者，为以一法成，为以二法成，二俱有过。”</p> <p>颂：“去法即去者，是事则不然；去法异去者，是事亦不然。”</p> <p>释：若去法去者一，是则不然，异亦不然。问曰：一异有何过？</p>
	乙二双关难破		<p>颂：“若谓于去法，即为是去者；作者即作业，是事则为一。”</p> <p>“若谓于去法，有异于去者；离去者有去，离去有去者。”</p> <p>释：如是二俱有过，何以故？若去法即是去者，是则错乱破于因缘。因去有去者，因去者有去。又去名为法，去者名为人，人常法无常。若一者则二俱应常二俱无常。一中有如是等过，若异者则相违。</p> <p>未有去法应有去者，未有去者应有去法，不相因待，一法灭应一法在，异中有如是等过。</p>
	乙三双结破		<p>颂：“去去者是二，若一异法成；二门俱不成，云何当有成。”</p> <p>释：若去者去法有，若以一法成，若以异法成，二俱不可得。</p> <p>先已说无第三法成，若谓有成，应说因缘无去无去者。今当更说。</p>
甲三因 缘门破分二	乙一一体破		<p>颂：“因去知去者，不能用是去；先无有去法，故无去者去，”</p> <p>释：随以何去法知去者？是去者不能用是去法，何以故？</p> <p>是去法未有时，无有去者，亦无去时、已去、未去。如先有人有城邑得有所趣。去法去者则不然，去者因去法成，去法因去者成故。</p>
	乙二异体破		<p>颂：“复次：因去知去者，不能用异法；于一去者中，不得二去者。”</p> <p>释：随以何去法知去者，是去者不能用异去法。何以故？</p> <p>一去者中，二去法不可得故。</p>
甲四有 无门破分二	乙一人有无破		颂：“复次：决定有去者，不能用三去；不决定去者，亦不用三去。”
	乙二法有无破		<p>颂：“去法定不定，去者不用三；是故去者去，所去处皆无。”</p> <p>释：决定者名本实有，不因去法生。去法名身动。三名未去、已去、去时。</p> <p>若决定有去者，离去法应有去者，不应有住，是故说决定有去者不能用三去。</p> <p>若去者不决定，不决定名本实无。以因去法得名去者，以无去法故不能用三去。</p> <p>因去法故有去者，若先无去法则无去者，云何言不决定去者用三去？</p> <p>如去者去法亦如是。若先离去者，决定有去法，则不因去者有去法，是故去者不能用三去法。若决定无去法，去者何所用。</p> <p>如是思惟观察，去法去者所去处，是法皆相因待。因去法有去者，因去者有去法，因是二法则有可去处。不得言定有，不得言定无。</p> <p>是故决定知，三法虚妄，空无所有，但有假名，如幻如化。</p>

表 3: (1 表) 观六情品 第三 分二

科判			颂释
甲一外人立六情有见			<p>问曰：经中说有六情。</p> <p>所谓：</p> <p>颂：“眼耳及鼻舌，身意等六情；此眼等六情，行色等六尘。”</p> <p>释：此中眼为内情，色为外尘。</p> <p>眼能见色乃至意为内情。</p> <p>法为外尘，意能知法。</p> <p>答曰：无也。何以故？</p>
甲二认主破六情有见分二	乙一正破眼根见分六	丙一正破	<p>颂：“答曰：是眼则不能，自见其已体；若不能自见，云何见余物。”</p> <p>释：是眼不能见自体，何以故？</p> <p>如灯能自照亦能照他。</p> <p>眼若是见相，亦应自见亦应见他，而实不尔。</p> <p>是故偈中说：若眼不自见何能见余物。</p>
		丙二比喻破	<p>“问曰：眼虽不能自见，而能见他。</p> <p>如火能烧他，而不能自烧。”</p> <p>颂：“答曰：火喻则不能，成于眼见法；去未去去时，已总答是事。”</p> <p>释：汝虽作火喻，不能成眼见法，是事去来品中已答。</p> <p>如已去中无去，未去中无去，去时中无去。</p> <p>如已烧、未烧、烧时俱无有烧。</p> <p>如是已见、未见、见时俱无见相。</p>
		丙三重破眼见	<p>颂：“复次：见若未见时，则不名为见；而言见能见，是事则不然。”</p> <p>释：眼未对色，则不能见。</p> <p>尔时不名为见，因对色名为见。</p> <p>是故偈中说，未见时无见。</p> <p>云何以见能见。</p> <p>复次二处俱无见法。</p>
		丙四二见破	<p>颂：“见不能有见，非见亦不见；若已破于见，则为破见者。”</p> <p>释：见不能见，先已说过故。</p> <p>非见亦不见，无见相故。</p> <p>若无见相，云何能见？</p> <p>见法无故见者亦无，何以故？</p> <p>若离见有见者，无目者亦应以余情见。</p> <p>若以见见，则见中有见相，见者无见相。</p> <p>是故偈中说，若已破于见则为破见者。</p>
		丙五破法无	<p>颂：“复次：离见不离见，见者不可得；以无见者故，何有见可见。”</p> <p>释：若有见见者则不成，若无见见者亦不成。</p> <p>见者无故，云何有见可见。</p> <p>若无见者，谁能用见法分别外色。</p> <p>是故偈中说，以无见者故，何有见可见。</p>
		丙六因果相待破	<p>颂：“复次：见可见无故，识等四法无；四取等诸缘，云何当得有。”</p> <p>释：见可见法无故，识触受爱四法皆无。</p> <p>以无爱等故，四取等十二因缘分亦无。</p>
	乙二类破余五根		<p>颂：“复次：耳鼻舌身意，声及闻者等；当知如是意，皆同于上说。”</p> <p>释：如见可见法空，属众缘故无决定。</p> <p>余耳等五情、声等五尘，当知亦同见可见法，义同故不别说。</p>

表 4: (1 表) 观五阴品 第四 分二

科判			颂释
甲 一 观五阴毕竟空分二	乙 一 观色阴空分三	丁一标章门	<p>外人问：经中说有五阴，是事如何？</p> <p>颂：“答曰：若离于色因，色则不可得；若当离于色，色因不可得。”</p> <p>释：色因者，如布因缕，除缕则无布，除布则无缕，布如色缕如因。</p>
		丙一因果相离破分二	<p>外人问：若离色因有色，有何过？</p> <p>颂：“答曰：离色因有色，是色则无因；无因而有色，是事则不然。”</p> <p>释：如离缕有布，布则无因。无因而有法，世间所无有。</p> <p>问曰：佛法外道法世间法中皆有无因法。佛法有三无为，无为常故无因。外道法中虚空、时、方、神、微尘、涅槃等。世间法虚空、时、方等，是三法无处不有，故名为常。常故无因，汝何以说无因法世间所无？</p> <p>答曰：此无因法但有言说，思惟分别则皆无。</p> <p>若法从因缘有，不应言无因；若无因缘，则如我说。</p> <p>问曰：有二种因：一者作因，二者言说因。</p> <p>是无因法无作因，但有言说因，令人知故。</p> <p>答曰：虽有言说因，是事不然。虚空如六种中破，余事后当破。</p> <p>复次现事尚皆可破，何况微尘等不可见法，是故说无因法世间所无。</p>
		戊一因果无	<p>问曰：若离色有色有何过？</p> <p>颂：“答曰：若离色有因，则是无果因；若言无果因，则无有是处。”</p> <p>释：若除色果，但有色因者，即是无果因。</p> <p>问曰：若无果有因有何咎？</p> <p>答曰：无果有因世间所无。何以故？以果故名为因，若无果云何名因。</p> <p>复次若因中无果者，物何以不从非因生。</p> <p>是事如破因缘品中说，是故无有无果因。</p>
		戊二因果无	<p>问曰：若离色有色有何过？</p> <p>颂：“答曰：若离色有因，则是无果因；若言无果因，则无有是处。”</p> <p>释：若除色果，但有色因者，即是无果因。</p> <p>问曰：若无果有因有何咎？</p> <p>答曰：无果有因世间所无。何以故？以果故名为因，若无果云何名因。</p> <p>复次若因中无果者，物何以不从非因生。</p> <p>是事如破因缘品中说，是故无有无果因。</p>
		丙二有因无因破分二	<p>丁一有因破</p> <p>颂：“复次：若已有色者，则不用色因；若无有色者，亦不用色因。”</p> <p>释：二处有色因，是则不然。</p> <p>若先因中有有色，不名为色因。若先因中无色，亦不名为色因。</p>
		丁二无因破	<p>问：若二处俱不然，但有无因色，有何咎？</p> <p>颂：“答曰：无因而有色，是事则不然；是故有智者，不应分别色。”</p> <p>释：若因中有果因中无果，此事尚不可得，何况无因有色。</p> <p>是故言无因而有色，是事终不然。</p> <p>是故有智者，不应分别色。分别名凡夫，以无明爱染贪着色，然后以邪见生分别戏论，说因中有果无果等。</p> <p>今此中求色不可得，是故不应分别。</p>
		丙三相似不相似破	<p>颂“复次：若果似于因，是事则不然；果若不似因，是事亦不然。”</p> <p>释：若果与因相似，是事不然。因细果粗故，因果色力等各异。</p> <p>如布似缕则不名布，缕多布一故，不得言因果相似。</p> <p>若因果不相似，是亦不然。如麻缕不成绢，粗缕无出细布，是故不得言因果不相似。二义不然，故无色无色因。</p>
		乙二观四阴空	<p>颂：“受阴及想阴，行阴识阴等；其余一切法，皆同于色阴。”</p> <p>释：四阴及一切法，亦应如是思惟破。又今造论者，欲赞美空义故。</p>
		乙一离空不成答	<p>颂：“若有人问者，离空而欲答；是则不成答，俱同于彼疑。”</p>
		乙二离空问不成问	<p>颂：“若人有难问，离空说其过；是不成难问，俱同于彼疑。”</p> <p>释：若人议论时，各有所执。离于空义而有问答者，皆不成问答，俱亦同疑。如人言瓶是无常，问者言，何以故无常。</p> <p>答言，从无常因生故。此不名答，何以故？</p> <p>因缘中亦疑不知为常为无常，是为同彼所疑。</p> <p>问者若欲说其过，不依于空而说诸法无常，则不名问难，何以故？</p> <p>汝因无常破我常，我亦因常破汝无常。</p> <p>若实无常则无业报，眼耳等诸法念念灭，亦无有分别，有如是等过，皆不成问难，同彼所疑。若依空破常者，则无有过，何以故？</p> <p>此人不取空相故，是故若欲问答。</p> <p>尚应依于空法，何况欲求离苦寂灭相者。</p>

表 5: (1 表) 观六种品 第五 分二

科判			颂释
甲 一破相明无相分二	乙 一破虚空相分二	丙 一破虚空有相分三	丁一破所相
			丁二破能相
			丁三相可相相待破
		丙二破虚空是无	
	乙二类破余五种		
甲二总破妄见			

问曰：六种各有定相，有定相故，则有六种。
颂：“答曰：空相未有时，则无虚空法，若无有虚空，即为是无相。”
释：若未有虚空相，先有虚空法者，虚空则无相，何以故？
无色处名虚空相。色是作法无常。
若色未生，未生则无灭，尔时无虚空相。
因色故有无色处，无色处名虚空相。
问曰：若无相虚空，有何咎？
颂：“答曰：是无相之法，一切处皆无；于无相法中，相则无所相。”
释：若于常无常法中，求无相法不可得。
如论者言，是有是无云何知，各有相故，生住灭是有为相，无生住灭是无为相。
虚空若无相，则无虚空。若谓先无相，后相来相者，是亦不然。
若先无相，则无法可相，何以故？

颂：“有相无相中，相则无所住；离有相无相，余处亦不住。”
释：如有峰有角尾端有毛颈下垂壶是名牛相。
离是相则无牛，若无牛是诸相无所住，是故说于无相法中相则无所相。
有相中相亦不住，先有相故。
如水相中火相不住，先有自相故。
复次若无相中相住者，则为无因。
无因名为无法而有相，相可相常相因待故。
离有相无相法，更无第三处可相。
是故偈中说离有相无相余处亦不住。

颂：“复次：相法无有故，可相法亦无；可相法无故，相法亦复无。”
释：相无所住故，则无可相法。可相法无故，相法亦无，何以故？
因相有可相，因可相有相，共相因待故。
颂：“是故今无相，亦无有可相；离相可相已，更亦无有物。”
释：于因缘中本末推求，相可相决定不可得。
是二不可得故，一切法皆无。一切法皆摄在相可相二法中。
或相为可相，或可相为相。如火以烟为相，烟亦复以火为相。
问曰：若无有有，应当有无。

颂：“答曰：若是无有有，云何当有无；有无既已无，知有无者谁。”
释：凡物若自坏、若为他坏名为无。无不自在，从有而有，是故言若使无有有云何当有无？眼见耳闻尚不可得，何况无物。
问曰：以无有有故无亦无，应当有‘知有无者’。
答曰：若有‘知者’，应在有中应在无中？有无既破，知者亦同破。

颂：“是故知虚空，非有亦非无；非相非可相；余五同虚空。”
释：如虚空种种求相不可得，余五种亦如是。
问曰：虚空不在初不在后，何以先破？
答曰：地水火风众缘和合故易破；识以苦乐因故，知无常变异故易破。虚空无如是相，但凡夫希望为有，是故先破。
复次虚空能持四大，四大因缘有识，是故先破根本，余者自破。
问曰：世间人尽见诸法是有是无，汝何以独与世间相违，言无所见？

颂：“答曰：浅智见诸法，若有若无相；是则不能见，灭见安隐法。”
释：若人未得道，不见诸法实相，爱见因缘故，种种戏论。
见法生时谓之为有，取相言有。见法灭时谓之为断，取相言无。
智者见诸法生，即灭无见。见诸法灭，即灭有见。
是故于一切法虽有所见，皆如幻如梦，乃至无漏道见尚灭，何况余见。
是故若不见灭见安隐法者，则见有见无。

表 6: (1 表) 观染染者品 第六 分五

科判		颂释
甲一前后破分二	乙一破染者染	<p>问曰：经说贪欲瞋恚愚痴，是世间根本。 贪欲有种种名，初名爱、次名著、次名染、次名淫欲、次名贪欲，有如是等名字。 此是结使，依止众生。众生名染者，贪欲名染法。 有染法染者故，则有贪欲。 余二亦如是，有瞋则有瞋者，有痴则有痴者。 以此三毒因缘起三业，三业因缘起三界，是故有一切法。 答曰：经虽说有三毒名字，求实不可得。何以故？ 颂：“答曰：若离于染法，先自有染者；因是染欲者，应生染于法。”</p>
	乙二破染法染	<p>颂：“若无有染者，云何当有染；若有若无染，染者亦如是。” 释：若先定有染者，则不更须染，染者先已有故。 若先定无染者，亦复不应起染，要当先有染者，然后起染。 若先无染者，则无受染者，染法亦如是。 若先离人定有染法，此则无因，云何得起？似如无薪火。 若先定无染法，法则无有染者。 是故偈中说若有若无染，染者亦如是。 问曰：若染法染者先后相待生，是事不可得者。 若一时生有何咎？</p>
甲二一时破		<p>颂：“答：染者及染法，俱成则不然；染者染法俱，则无有相待。” 释：若染法染者一时成，则不相待。 不因染者有染法，不因染法有染者。 是二应常，以无因成故。若常则多过，无有得解脱法。 复次今当以一异法，破染法染者。</p>
甲三一异破		<p>颂：“染者染法一，一法云何合；染者染法异，异法云何合。” 释：染法染者，若以一法合，若以异法合？ 若一则无合，何以故？ 一法云何自合，如指端不能自触。 若以异法合，是亦不可，何以故？ 以异成故，若各成竟不须复合，虽合犹异。 复次一异俱不可，何以故？ 颂：“若一有合者，离伴应有合；若异有合者，离伴亦应合。” 释：若染染者一，强名为合者，应离余因缘而有染染者。 复次若一，亦不应有染染者二名。 染是法染者是人，若人法为一，是则大乱。 若染染者各异，而言合者，则不须余因缘而有合。 若异而合者，虽远亦应合。 问曰：一不合可尔，眼见异法共合。</p>
甲四就异门破分二	乙一明异者无用	<p>颂：“答曰：若异而有合，染染者何事；是二相先异，然后说合相。” 释：若染染者，先有决定异相，而后合者，是则不合，何以故？ 是二相先已异，而后强说合。 颂：“复次：若染及染者，先各成异相；既已成异相，云何而言合。” 释：若染染者先各成别相，汝今何以强说合相。</p>
	乙二明异者无合	<p>颂：“复次：异相无有成，是故汝欲合；合相竟无成，而复说异相。” 释：汝以染染者异相不成，故复说合相。合相中有过，染染者不成。 汝为成合相故，复说异相。汝自己为定，而所说不定。何以故？ 颂：“异相不成故，合相则不成；于何异相中，而欲说合相。” 释：以此中染染者异相不成故，合相亦不成，汝于何异相中，而欲说合相。</p>
甲五类破余法		<p>颂：“复次：如是染染者，非合不合成；诸法亦如是，非合不合成。” 释：如染患痴亦如是。如三毒一切烦恼一切法亦如是。 非先非后非合非散等，因缘所成。</p>

表 7-1：（4 表）观三相品 第七 分二

科判				颂释
甲一破有三相分二	乙一正破三相分二	丙一总破三相分三	丁一有为无为破	<p>问曰：经说有为法有三相，生住灭，万物以生法生。以住法住，以灭法灭，是故有诸法。</p> <p>答曰：不尔。何以故？三相无决定故。</p> <p>是三相为是有为能作有为相？为是无为能作有为相？二俱不然，何以故？</p> <p>颂：“若生是有为，则应有三相；若生是无为，何名有为相。”</p> <p>释：若生是有为，应有三相生住灭，是事不然，何以故？共相违故。相违者，生相应生法，住相应住法，灭相应灭法。若法生时，不应有住灭相违法。</p> <p>一时则不然，如明暗不俱，以是故生不应是有为法。住灭相亦应如是。</p> <p>问曰：若生非有为，若是无为有何咎？</p> <p>答曰：若生是无为，云何能与有为法作相。何以故？无为法无性故，因灭有为名无为，是故说不生不灭，名无为相。更无自相，是故无法不能为法作相。</p> <p>如兔角龟毛等，不能为法作相。</p> <p>是故生非无为。住灭亦如是。</p>
			丁二聚散破	<p>颂：“复次：三相若聚散，不能有所相；云何于一处，一时有三相。”</p> <p>释：是生住灭相，若一一能为有为法作相，若和合能与有为法作相，二俱不然。何以故？</p> <p>若谓一一者，于一处中或有有相，或有无相。</p> <p>生时无住灭，住时无生灭，灭时无生住。</p> <p>若和合者，共相违法，云何一时俱。</p> <p>若谓三相更有三相者，是亦不然。何以故？</p>
			丁三穷无穷破	<p>颂：“若谓生住灭，更有有为相；是即为无穷，无即非有为。”</p> <p>释：若谓生住灭更有有为相，生更有生，有住有灭，如是三相复应更有相，若尔则无穷。</p> <p>若更无相，是三相则不名有为法，亦不能为有为法作相。</p> <p>问曰：汝说三相为无穷，是事不然。</p> <p>生住灭虽是有为，而非无穷。何以故？</p>
	丙二别破三相分三	丁一破生相分三	戊一外人立生相	<p>颂：“生生之所生，生于彼本生；本生之所生，还生于生生。”</p> <p>释：法生时，通自体七法共生。</p> <p>一法、二生、三住、四灭、五生生、六住住、七灭灭。</p> <p>是七法中本生除自体能生六法，生生能生本生，本生能生生生，是故三相虽是有为，而非无穷。</p>
			己二论主破生相	<p>颂：“答曰：若谓是生生，能生于本生；生生从本生，何能生本生。”</p> <p>释：若是生生能生本生者，是生生则不名从本生生，何以故？是生生从本生生，云何能生本生？</p> <p>颂：“复次：若谓是本生，能生于生生；本生从彼生，何能生生生。”</p> <p>释：若谓本生能生生生者，是本生不名从生生生。何以故？是本生从生生生，云何能生生生？</p> <p>生生法应生本生，而今生生不能生本生。</p> <p>生生未有自体，何能生本生，是故本生不能生生生。</p>
			己三重破生相	<p>问曰：是生生生时非先非后，能生本生。但生生生时，能生本生。</p> <p>答曰：不然。何以故？</p> <p>颂：“若生生生时，能生于本生；生生尚未有，何能生本生。”</p> <p>释：谓生生生时，能生本生可尔。</p> <p>而实未有，是故生生生时，不能生本生。</p> <p>颂：“复次：若本生生时，能生于生生；本生尚未生，何能生生生。”</p> <p>释：若谓是本生生时，能生生生可尔。</p> <p>而实未有，是故本生生时，不能生生生。</p>

表 7-2: (4 表) 观三相品 第七 分二

甲 一破有三相分二 乙 一正破三相分二 丙 二别破三相分三 丁 一破生相分三	戊 二破不展转相生分二	己一外人立义		颂：“问曰：如灯能自照，亦能照于彼；生法亦如是，自生亦生彼。” 释：如灯入于暗室照了诸物，亦能自照。 生亦如是，能生于彼，亦能自生。 答曰：不然。何以故？
		己二破生相分二	庚一破到暗能照暗	颂：“灯中自无暗，住处亦无暗；破暗乃明照，无暗则无照。” 释：灯体自无暗，明所及处亦无暗，明暗相违故。 破暗故名照，无暗则无照，何得言灯自照亦照彼。 问曰：是灯非未生有照，亦非生已有照，但生时能自照亦照彼。 颂“答曰：云何灯生时，而能破于暗；此灯初生时，不能及于暗。” 释：灯生时名半生半未生。灯体未成就，云何能破暗？ 又灯不能及暗。如人得贼乃名为破。 若谓灯虽不到暗而能破暗者，是亦不然。何以故？
			庚二破明不到暗能破暗	颂：“灯若未及暗，而能破于暗；灯在于此间，则破一切暗。” 释：若灯有力，不到暗而能破者。此处燃灯应破一切处暗，俱不及故。 复次灯不应自照照彼。何以故？ 颂：“若灯能自照，亦能照于彼；暗亦应自暗，亦能暗于彼。” 释：若灯与暗相违故，能自照亦照于彼。 暗与灯相违故，亦应自蔽蔽彼。若暗与灯相违，不能自蔽蔽彼。 灯与暗相违，亦不应自照亦照彼。 是故灯喻非也。破生因缘未尽故，今当更说。
		己一己未破		颂：“此生若未生，云何能自生；若生已自生，生已何用生。” 释：是生自生时，为生已生，为未生生。 若未生生，则是无法，无法何能自生。若谓生已生，则为已成，不须复生。 如已作不应更作。若已生若未生，是二俱不生故无生。 汝先说生如灯能自生亦生彼，是事不然。住灭亦如是。
戊 三破众师生义分七		己 二三时破	颂：“复次：生非生已生，亦非未生生；生时亦不生，去来中已答。” 释：生名众缘和合有生。已生中无作故无生。 未生中无作故无生。生时亦不然。离生法生时不可得。 离生时生法亦不可得。云何生时生。是事去来中已答。 已生法不可生。何以故。生已复生。如是展转则为无穷。如作已复作。 复次若生已更生者。以何生法生。是生相未生。而言生已生者。 则自违所说。何以故。生相未生而汝谓生。 若未生谓生者。法或可生已而生。 或可未生而生。汝先说生已生。是则不定。 复次如烧已不应复烧。去已不应复去。 如是等因缘故。生已不应生。未生法亦不生。何以故。法若未生。 则不应与生缘和合。若不与生缘和合。则无法生。若法未与生缘和合而生者。 应无作法而作。无去法而去。无染法而染。无慧法而慧。无痴法而痴。 如是则皆破世间法。是故未生法不生。复次若未生法生者。 世间未生法皆应生一切凡夫。未生菩提今应生菩提不坏法。阿罗汉无有烦恼。 今应生烦恼。兔等无角今皆应生。但是事不然。是故未生法亦不生。 问曰。未生法不生者。以未有缘无作无作者无时无方等故不生。 若有缘有作有作者有时有方等和合故未生法生。 是故若说一切未生法皆不生。是事不尔。 答曰。若法有缘有时有方等和合则生者。先有亦不生。先无亦不生。有无亦不生。 三种先已破。是故生已不生。未生亦不生。生时亦不生。何以故。已生分不生。 未生分亦不生。如先答。复次若离生有生时者。应生时生。但离生无生时。 是故生时亦不生。复次若言生时生者。则有二生过。一以生故名生时。 二以生时中生。二皆不然。无有二法。云何有二生。是故生时亦不生。 复次生法未发则无生时。生时无故生何所依。是故不得言生时生。如是推求。 生已无生。未生无生。生时无生。无生故生不成。生不成故住灭亦不成。 生住灭不成故有为法不成。是故偈中说去未去去时中已答。	

表 7-3: (4 表) 观三相品 第七 分二

甲一破有三相分二 乙一正破三相分二 丙二别破三相分三	丁一破生相分三 戊三破众师生义分七	己三寂灭破	<p>问曰。我不定言生已生未生生时生。但众缘和合故有生。</p> <p>答曰。汝虽有是说。此则不然。何以故？</p> <p>颂：“若谓生时生，是事已不成；云何众缘合，尔时而得生。”</p> <p>释：生时生已种种因缘破。汝今何以更说众缘和合故有生。</p> <p>若众缘具足不具足，皆与生同破。</p> <p>颂：“复次：若法众缘生，即是寂灭性；是故生生时，是二俱寂灭。”</p> <p>释：众缘所生法，无自性故寂灭，寂灭名为无此无彼无相。</p> <p>断言语道灭诸戏论，众缘名如因缕有布，因蒲有席。</p> <p>若缕自有定相，不应从麻出。若布自有定相，不应从缕出。</p> <p>而实从缕有布，从麻有缕，是故缕亦无定性，布亦无定性。</p> <p>如燃可燃，因缘和合成无有自性。可燃无故燃亦无，燃无故可燃亦无。</p> <p>一切法亦如是，是故从众缘生法无自性，无自性故空如野马无实。</p> <p>是故偈中说生与生时二俱寂灭，不应说生时生。</p> <p>汝虽种种因缘，欲成生相，皆是戏论非寂灭相。</p> <p>问曰：定有三世别异，未来世法得生，因缘即生。何故言无生？</p>
		己四三世破	<p>颂：“答曰：若有未生法，说言有生者；此法先已有，更复何用生。”</p> <p>释：若未来世中，有未生法而生，是法先已有，何用更生，有法不应更生。</p> <p>问曰：未来虽有，非如现在相，以现在相故说生。</p> <p>答曰：现在相未来中无，若无云何言未来生法生。</p> <p>若有不名未来，应名现在，现在不应更生。二俱无生故不生。</p> <p>复次汝谓生时生亦能生彼。今当更说。</p>
		己五并决破	<p>颂：“若言生时生，是能有所生；何得更有生，而能生是生。”</p> <p>“若谓更有生，生生则无穷；离生生有生，法皆自能生。”</p> <p>释：若生生时能生彼。是生谁复能生。若生更有生。生则无穷。</p> <p>若是生更无生而自生者。一切法亦皆能自生。而实不尔。</p>
		己六有无破	<p>颂：“复次：有法不应生，无亦不应生；有无亦不生，此义先已说。”</p> <p>释：凡所有生，为有法有生，为无法有生，为有无法有生，是皆不然。</p> <p>是事先已说。离此三事更无有生，是故无生。</p>
		己七灭不灭破	<p>颂：“复次：若诸法灭时，是时不应生；法若不灭者，终无有是事。”</p> <p>释：若法灭相是法不应生，何以故？二相相违故。</p> <p>一是灭相，知法是灭；一是生相，知法是生。</p> <p>二相相违法，一时则不然，是故灭相法不应生。</p> <p>问曰：若灭相法不应生，不灭相法应生。</p> <p>答曰：一切有为法念念灭故，无不灭法。离有为无有决定无为法。</p> <p>无为法但有名字，是故说不灭法，终无有是事。</p>
	丁二破住相分三	戊一三时门破	<p>问曰：若法无生应有住。</p> <p>颂：“答曰：不住法不住，住法亦不住；住时亦不住，无生云何住。”</p> <p>释：住法亦不住，何以故？已有住故。因去故有住，若住法先有，不应更住。</p> <p>不住法亦不住，无住相故。住时亦不住，离住不住更无住时，是故住时亦不住。</p> <p>如是一切处求住不可得故，即是无生。若无生云何有住？</p>
		戊二灭不灭破	<p>颂：“复次：若诸法灭时，是则不应住；法若不灭者，终无有是事。”</p> <p>释：若法灭相欲灭，是法无有住相，何以故？一法中有二相相违故。</p> <p>一是灭相，二是住相。一时一处有住灭相，是事不然。是故不得言灭相法有住。</p> <p>问曰：若法不灭应有住。答曰：无有不灭法，何以故？</p> <p>颂：“答曰：所有一切法，皆是老死相；终不见有法，离老死有住。”</p> <p>释：一切法生时，无常常随逐。无常有二，名老及死。</p> <p>如是一切法，常有老死，故无住时。</p>
		戊三自他破	<p>颂：“复次：住不自相住，亦不异相住；如生不自生，亦不异相生。”</p> <p>释：若有住法，为自相住，为他相住。二俱不然。若自相住，则为是常。</p> <p>一切有为法从众缘生。若住法自住，则不名有为。住若自相住，法亦应自相住。</p> <p>如眼不能自见。住亦如是。若异相住，则住更有住，是则无穷。</p> <p>复次，见异法生异相，不得不因异法而有异相。</p> <p>异相不定故，因异相而住者，是事不然。</p>

表 7-4：（4 表）观三相品 第七 分二

甲一破有三相分二	乙一正破三相分二 丙二别破三相分三	丁三破灭相分二	戊一初破灭相分四	己一三时破	问曰：若无住应有灭。 答曰：无。何以故？ 颂：“答曰：法已灭不灭，未灭亦不灭；灭时亦不灭，无生何有灭。” 释：若法已灭则不灭，以先灭故。未灭亦不灭，离灭相故。灭时亦不灭，离二更无灭时。 如是推求灭法，即是无生。无生何有灭。
				己二住不住破	颂：“复次：若法有住者，是则不应灭；法若不住者，是亦不应灭。” 释：若法定住则无有灭，何以故？犹有住相故。若住法灭则有二相，住相灭相，是故不得言住中有灭。如生死不得一时有。若法不住亦无有灭，何以故？离住相故。若离住相则无法，无法云何灭。
				己三一异破	颂：“复次：是法于是时，不于是时灭；是法于异时，不于异时灭。” 释：若法有灭相，是法为自相灭，为异相灭。二俱不然，何以故？ 如乳不于乳时灭，随有乳时，乳相定住故。非乳时亦不灭，若非乳不得言乳灭。
				己四相待破	颂：“复次：如一切诸法，生相不可得；以无生相故，即亦无灭相。” 释：如先推求一切法生相不可得。尔时即无灭相，破生故无生，无生云何有灭。若汝意犹未已。今当更说破灭因缘。
		戊二重破灭相分三	己一有法体破	颂：“若法是有者，是即无有灭；不应于一法，而有有无相。” 释：诸法有时推求灭相不可得。何以故？云何一法中，亦有亦无相，如光影不同处。	
			己二无法体破	颂：“复次：若法是无者，是则无有灭；譬如第二头，无故不可断。” 释：法若无者则无灭相。如第二头第三手，无故不可断。	
			己三自他双破	颂：“复次：法不自相灭，他相亦不灭；如自相不生，他相亦不生。” 释：如先说生相，生不自生，亦不从他生。若以自体生，是则不然。 一切物皆从众缘生。如指端不能自触。如是生不能自生。从他生亦不然，何以故？生未有故，不应从他生。是生无生，故无自体。自体无故他亦无，是故从他生亦不然。灭法亦如是，不自相灭不他相灭。	
		乙二破法体			颂：“复次：生住灭不成，故无有有为；有为法无故，何得有无为。” 释：汝先说有生住灭相，故有有为。以有有为故有无为。今以理推求，三相不可得，云何得有为。如先说无有无相法。有为法无故，何得有无为。无为相名不生不住不灭。止有为相故名无为相。无为自无别相，因是三相有无为相。如火为热相，地为坚相，水为冷相。无为则不然。
	甲二破无三相			问曰：若是生住灭毕竟无者，云何论中得说名字。 颂：“答曰：如幻亦如梦，如乾闥婆城；所说生住灭，其相亦如是。” 释：生住灭相无有决定。凡人贪着谓有决定，诸贤圣怜愍欲止其颠倒，还以其所着名字为说，语言虽同其心则异。如是说生住灭相，不应有难。 如幻化所作，不应责其所由，不应于中有忧喜想。但应眼见而已，如梦中所见不应求实。 如干乾闥婆城，日出时现而无有实。 但假为名字不久则灭，生住灭亦如是。凡夫分别为有，智者推求则不可得。	

表 8: (1 表) 观作作者品 第八 分二

科判			颂释
甲一破作作者分二	乙一破有人法见分四	丁一 标章 门	<p>问曰：现有作有作者，有所用作法。 三事和合故有果报，是故应有作者作业。 答曰：上来品品中，破一切法皆无有余。如破三相，三相无故无有有为。 有为无故无无为。有为无为无故，一切法尽无作作者。 若是有为，有为中已破。若是无为，无为中已破。不应复问。 汝着心深故，而复更问，今当更说。 颂：“决定有作者，不作决定业；决定无作者，不作无定业。” 释：若先定有作者定有作业，则不应作。 若先定无作者定无作业，亦不应作。何以故？</p>
		丁二 释章 门	<p>颂“决定业无作，是业无作者；定作者无作，作者亦无业。” 释：若先决定有作业，不应更有作者。又离作者应有作业，但是事不然。 若先决定有作者，不应更有作业。又离作业应有作者，但是事不然。 是故决定作者决定作业，不应有作业。不决定作者不决定作业，亦不应有作。何以故？本来无故。有作者有作业，尚不能作。何况无作者无作业。</p>
		丁三 无因 果	<p>颂：“复次：若定有作者，亦定有作业；作者及作业，即堕于无因。” 释：若先定有作者定有作业。汝谓作者有作，即为无因，离作业有作者。 离作者有作业。则不从因缘有。 问曰：若不从因缘有作者有作业，有何咎？ 颂：“答曰：若堕于无因，则无因无果；无作无作者，无所用作法。 若无作等法，则无有罪福；罪福等无故，罪福报亦无。 若无罪福报，亦无大涅槃；诸可有所作，皆空无有果。” 释：若堕于无因，一切法则无因无果。能生法名为因，所生法名为果。 是二即无，是二无故，无作无作者，亦无所用作法，亦无罪福。 罪福无故，亦无罪福果报及大涅槃道。是故不得从无因生。 问曰：若作者不定，而作不定业，有何咎？ 答曰：一事无尚不能起作业，何况二事都无。 譬如化人，以虚空为舍，但有言说，而无作者作业。 问曰：若无作者无作业：不能有所作。今有作者有作业，应有作。</p>
		丙二半有 半无破	<p>颂：“答曰：作者定不定，不能作二业；有无相违故，一处则无二。” 释：作者定不定，不能作定不定业，何以故？有无相违故，一处不应有二。 有是决定，无是不决定，一人一事云何有有无。</p>
		丙三一有 一无	<p>颂：“复次：有不能作无，无不能作有；若有作作者，其过如先说。” 释：若有作者而无业，何能有所作。若无作者而有业，亦不能有所作。 何以故？如先说有中，若先有业，作者复何所作。 若先无业云何可得作。如是则破罪福等因果果报。 是故偈中说，有不能作无，无不能作有。若有作作者，其过如先说。</p>
		丙四一三 门破	<p>颂：“复次：作者不作定，亦不作不定；及定不定业，其过已先说。” 释：定业已破，不定业亦破，定不定业亦破。今欲一时总破，故说是偈。 是故作者不能作三种业。今三种作者，亦不能作业。何以故？ 颂：“作者定不定，亦定亦不定；不能作于业，其过先已说。” 释：作者定不定，亦定亦不定，不能作于业。何以故？如先三种过因缘。 此中应说。如是一切处求作者作业，皆不可得。问曰：若言无作无作者，则 复堕无因。答曰：是业从众缘生假名为有，无有决定，不如汝所说。何以故？</p>
		乙二破无人法 见	<p>颂：“因业有作者，因作者有业；成业义如是，更无有余事。” 释：业先无决定，因人起业，因业有作者。作者亦无决定，因有作业名为 作者。二事和合故，得成作作者。若从和合生则无自性，无自性故空，空则 无所生。但随凡夫忆想分别故，说有作业有作者。第一义中无作业无作者。</p>
	甲二破受受者		<p>颂：“复次：如破作作者，受受者亦尔；及一切诸法，亦应如是破。” 释：如作作者不得相离，不相离故不决定，无决定故无自性。 受受者亦如是，受名五阴身，受者是人。如是离人无五阴，离五阴无人， 但从众缘生。如受受者余一切法，亦应如是破。</p>

表 9-1：（2 表）观本住品 第九 分三

科判		颂释
甲一破本住明人空分三	乙一明六根之外无本住分二	丙一外人立本住义 颂：“问曰：眼耳等诸根，苦乐等诸法；谁有如是事，是则名本住。若无有本住，谁有眼等法；以是故当知，先已有本住。” 释：眼耳鼻舌身命等诸根，名为眼耳等根。 苦受乐受不苦不乐受，想思忆念等心心数法，名为苦乐等法。 有论师言：先未有眼等法，应有本住。因是本住，眼等诸根得增长。若无本住，身及眼耳诸根，为因何生而得增长。
		丁一责相破 颂：“答曰：若离眼等根，及苦乐等法；先有本住者，以何而可知。” 释：若离眼耳等根苦乐等法，先有本住者，以何可说以何可知？ 如外法瓶衣等，以眼等根得知；内法以苦乐等根得知。 如经中说：可坏是色相，能受是受相，能识是识相。 汝说离眼耳苦乐等，先有本住者，以何可知说有是法。 问曰：有论师言：出入息视眴寿命思惟苦乐憎爱动发等是神相。 若无有神，云何有出入息等相。 是故当知离眼耳等根苦乐等法，先有本住。 答曰：是神若有，应在身内，如壁中有柱。若在身外，如人被铠。 若在身内，身则不可坏，神常在身内，是故言神在身内，但有言说虚妄无实。 若在身外覆身如铠者，身应不可见，神细密覆故，亦应不可坏。 而今实见身坏，是故当知离苦乐等先无余法。 若谓断臂时，神缩在身内不可断者，断头时亦应缩在身内不应死。 而实有死，是故知离苦乐等先有神者，但有言说虚妄无实。 复次若言身大则神大，身小则神小。 如灯大则明大，灯小则明小者。 如是神则随身不应常。若随身者，身无则神无，如灯灭则明灭。 若神无常，则与眼耳苦乐等同。 是故当知离眼耳等先无别神。 复次如风狂病人，不得自在，不应作而作。 若有神是诸作主者，云何言不得自在。 若风狂病不恼神者，应离神别有所作。 如是种种推求，离眼耳等根，苦乐等法，先无本住。 若必谓离眼耳等根苦乐等法，先有本住者无有是事。何以故？
		丁二并决破 颂：“答曰：若离眼耳等，而有本住者；亦应离本住，而有眼耳等。” 释：若本住离眼耳等根苦乐等法先有者。 今眼耳等根苦乐等法，亦应离本住而有。 问曰：二事相离可尔，但使有本住。
		丁三征宗破 颂：“答曰：以法知有人，以人知有法；离法何有人，离人何有法。” 释：法者眼耳苦乐等，人者是本住。 汝谓以有法故知有人，以有人故知有法。 今离眼耳等法何有人，离人何有眼耳等法。
	乙二明六根之内无本住分三	丙一初破 颂：“复次：一切眼等根，实无有本住；眼耳等诸根，异相而分别” 释：若眼耳等诸根，苦乐等诸法，实无有本住。 因眼缘色生眼识，以和合因缘，知有眼耳等诸根，不以本住故知。 是故偈中说，一切眼等根，实无有本住。 眼耳等诸根，各自能分别。
		丙二外人救义 颂：“问曰：若眼等诸根，无有本住者；眼等一一根，云何能知尘。” 释：若一切眼耳等诸根，苦乐等诸法，无本住者。 今一一根，云何能知尘。 眼耳等诸根无思惟，不应有知。 而实知尘，当知离眼耳等诸根，更有能知尘者。 答曰：若尔者，为一一根中各有知者，为一知者在诸根中。 二俱有过，何以故？

表 9-2：（2 表）观本住品 第九 分三

甲一破本住明人空分三	乙二六根之内本住分三	丙三论主破救分二	丁一一神破	颂：“见者即闻者，闻者即受者；如是等诸根，则应有本住。” 释：若见者即是闻者，见闻者即是受者，则是一神。 如是眼等诸根，应先有本住。色声香等无有定知者，或可以眼闻声。 如人在六向随意见闻。 若闻者见者是一，于眼等根随意见闻。但是事不然。
			丁二多神破	颂：“若见闻各异，受者亦各异；见时亦应闻，如是则多神。” 释：若见者闻者受者各异，若见者时亦应闻，何以故？ 离见者有闻者故。 如是鼻舌身中，神应一时行。 若尔者，人一而神多，以一切根一时知诸尘故。 而实不尔，是故见者闻者受者，不应俱用。
	乙三就四大明无本住		颂：“复次：眼耳等诸根，苦乐等诸法；所从生诸大，彼大亦无神。” 释：若人言离眼耳等诸根，苦乐等诸法，别有本住，是事先已破。 今于眼耳等所因四大，是四大中亦无本住。 问曰：若眼耳等诸根，苦乐等诸法，无有本住可尔。 眼耳等诸根，苦乐等诸法应有。	
甲二破诸法明法空			颂：“答曰：若眼耳等根，苦乐等诸法；无有本住者，眼等亦应无。” 释：若眼耳苦乐等诸法，无有本住者，谁有此眼耳等。 何缘而有，是故眼耳等亦无。	
甲三破外人明人法二空			颂：“复次：眼等无本住，今后亦复无；以三世无故，无有无分别。” 释：思惟推求，本住于眼等，先无今后亦无。 若三世无，即是无生寂灭，不应有难。 若无本住，云何有眼等。如是问答，戏论则灭。戏论灭故，诸法则空。	

表 10-1：（3 表）破然可燃品 第十 分三

科判			颂释
甲一比喩破分五	乙一一异破分二	丙一双破一异	<p>问曰：应有受受者。如燃可燃，燃是受者，可燃是受。所谓五阴。</p> <p>答曰：是事不然。何以故？燃可燃俱不成故。</p> <p>燃可燃若以一法成，若以二法成，二俱不成。</p> <p>问曰：且置一异法，若言无燃可燃，今云何以一异相破。</p> <p>如兔角龟毛，无故不可破。世间眼见实有事，而后可思惟。</p> <p>如有金然后可烧可锻。若无燃可燃，不应以一异法思惟。</p> <p>若汝许有一异法，当知有燃可燃。若许有者，则为已有。</p> <p>答曰：随世俗法言说，不应有过。</p> <p>燃可燃若说一若说异，不名为受。</p> <p>若离世俗言说，则无所论。</p> <p>若不说燃可燃，云何能有所破。</p> <p>若无所说则义不可明。</p> <p>如有论者，欲破有无，必应言有无。</p> <p>不以称有无故，而受有无。是以随世间言说故无咎。</p> <p>若口有言便是受者，汝言破即为自破。燃可燃亦如是。</p> <p>虽有言说，亦复不受。</p> <p>是故以一异法，思惟燃可燃，二俱不成。何以故？</p> <p>颂：“若然是可燃，作作者则一；若然异可燃，离可燃有然。”</p> <p>释：燃是火，可燃是薪。作者是人，作是业。</p> <p>若燃可燃一，则作作者亦应一。若作作者一，则陶师与瓶一。</p> <p>作者是陶师，作是瓶，陶师非瓶，瓶非陶师，云何为一？</p> <p>是以作作者不一故，燃可燃亦不一。</p> <p>若谓一不可则应异，是亦不然，何以故？</p> <p>若燃与可燃异，应离可燃别有燃，分别是可燃是燃，处处离可燃应有燃。</p> <p>而实不尔，是故异而亦不可得。</p>

表 10-2: (3 表) 破然可燃品 第十 分三

甲 一 比 喻 破 分 五	乙 一 一 异 破 分 二	丙 二 偏 破 异 分 三	丁一论主破	<p>颂：“复次：如是常应然，不因可燃生；则无然火功，亦名无作火。”</p> <p>释：若燃可燃异，则燃不待可燃而常燃。</p> <p>若常燃者则自住其体，不待因缘人功则空。</p> <p>人功者，将护火令燃，是功现有，是故知火不异可燃。</p> <p>复次若燃异可燃，燃即无作，离可燃火何所然。</p> <p>若尔者火则无作，无作火无有是事。</p> <p>问曰：云何火不从因缘生，人功亦空。</p> <p>颂：“答曰：然不待可燃，则不从缘生；火若常然者，人功则应空。”</p> <p>释：燃可燃若异，则不待可燃有燃。</p> <p>若不待可燃有然，则无相因法，是故不从因缘生。</p> <p>复次若燃异可燃，则应常燃。</p> <p>若常燃者，应离可燃别见有燃，更不须人功。何以故？</p> <p>颂：“若汝谓然时，名为可燃者；尔时但有薪，何物然可燃。”</p> <p>释：若谓先有薪，烧时名可燃者，是事不尔。</p> <p>若离燃别有可燃者，云何言燃时名可燃。</p> <p>颂：“复次：若异则不至，不至则不烧；不烧则不灭，不灭则常住。”</p> <p>释：若燃异可燃，则燃不应至可燃，何以故？不相待成故。</p> <p>若燃不相待成，则自住其体，何用可燃，是故不至。</p> <p>若不至则不燃可燃，何以故？无有不至而能烧故。</p> <p>若不烧则无灭，应常住自相，是事不尔。</p>
			丁二外人救	<p>颂：“问曰：然与可燃异，而能至可燃；如此至彼人，彼人至此人。”</p> <p>释：燃与可燃异，而能至可燃。如男至于女，如女至于男。</p>
			丁三破外人救义	<p>颂：“答曰：若谓然可燃，二俱相离者，如是然则能，至于彼可燃。”</p> <p>释：若离燃有可燃，若离可燃有燃，各自成者。</p> <p>如是则应燃至可燃，而实不尔。何以故？</p> <p>离燃无可燃，离可燃无燃故。</p> <p>今离男有女，离女有男，是故汝喻非也。喻不成故，燃不至可燃。</p>
	乙 二 相 待 破 分 二		丙一破成而待	<p>问曰：然可燃相待而有，因可燃有然，因然有可燃，二法相待成。</p> <p>颂：“答曰：若因可然然，因然有可燃；先定有何法，而有然可燃。”</p> <p>释：若因可燃而燃成，亦应因燃可燃成。</p> <p>是中若先定有可燃，则因可燃而燃成。若先定有燃，则因燃可燃成。</p> <p>今若因可燃而燃成者，则先有可燃而后有燃，不应待燃而有可燃。</p> <p>何以故？可燃在先燃在后故。若燃不燃可燃，是则可燃不成。</p> <p>又可燃不在余处，离于燃故。</p> <p>若可燃不成，燃亦不成。若先燃后有可燃燃，亦有如是过。</p> <p>是故燃可燃，二俱不成。</p> <p>颂：“复次：若因可然然，则然成复成；是为可然中，则为无有然。”</p> <p>释：若欲因可燃而成燃，则燃成已复成，何以故？燃自住于燃中。</p> <p>若燃不自住其体，从可燃成者，无有是事。</p> <p>是故有是燃从可燃成，今则燃成复成，有如是过。复有可燃无燃过。</p> <p>何以故？可燃离燃自住其体故，是故燃可燃相因待，无有是事。</p>
			丙二破待而成	<p>颂：“复次：若法因待成，是法还成待；今则无因待，亦无所成法。”</p> <p>释：若法因待成，是法还成本因待。如是决定，则无本因二事。</p> <p>如因可燃而成燃，还因于燃而成可燃。</p> <p>是则二俱无定，无定故不可得。何以故？</p> <p>颂：“若法有待成，未成云何待；若成已有待，成已何用待。”</p> <p>释：若法因待成，是法先未成。未成则无，无则云何有因待。</p> <p>若是法先已成，先成何用因待。</p> <p>是二俱不相因待，是故汝先说，因燃可燃相因待成，无有是事。</p>
		乙三因不因破	<p>颂：“因可然无然，不因亦无然；因然无可然，不因无可然。”</p> <p>释：今因待可燃燃不成，不因待可燃燃亦不成。可燃亦如是。</p> <p>因燃不因燃，二俱不成，是过先已说。</p>	

表 10-3: (3 表) 破然可燃品 第十 分三

甲一比喻破分五	乙四内外破	<p>颂：“复次：然不余处来，然处亦无然；可燃亦如是，余如去来说。”</p> <p>释：燃不于余方来入可燃可燃中亦无燃，析薪求燃不可得故。可燃亦如是。不从余处来入燃中，燃中亦无可燃。如燃已不燃，未燃不燃，燃时不燃。是义如去来中说。</p>
	乙五五求破	<p>颂：“若可燃无然，离可燃无然；然亦无可然，然中无可然。”</p> <p>释：可燃即非燃，何以故？先已说作作者一过故。</p> <p>离可燃无燃，有常燃等过故。</p> <p>燃无有可燃，燃中无可燃。可燃中无燃，以有异过故。三皆不成。</p> <p>问曰：何故说燃可燃。</p> <p>答曰：如因可燃有燃，如是因受有受者。受名五阴，受者名人。</p> <p>燃可燃不成故，受受者亦不成。何以故？</p>
甲二破法体		<p>颂：“以然可燃法，说受受者法；及以说瓶衣，一切等诸法。”</p> <p>释：如可燃非燃，如是受非受者，作作者一过故。</p> <p>又离受无受者，异不可得故。</p> <p>以异过故，三皆不成。如受受者，外瓶衣等一切法皆同上说。无生毕竟空。</p>
甲三法喻合破		<p>颂：“若人说有我，诸法各异相；当知如是人，不得佛法味。”</p> <p>释：诸法从本已来无生。毕竟寂灭相。是故品末说是偈。若人说我相。如犍子部众说。不得言色即是我。不得言离色是我。</p> <p>我在第五不可说藏中。如萨婆多部众说。诸法各各相。是善是不善是无记。是有漏无漏有为无为等别。异如是等人。</p> <p>不得诸法寂灭相。以佛语作种种戏论。</p>

表 11: (1 表) 破本际品 第十一 分二

科判			颂释
甲一明生死无本际分二	乙一明无生死		问曰：无本际经说，众生往来生死，本际不可得。 是中说有众生有生死，以何因缘故而作是说。 颂：“答曰：大圣之所说，本际不可得；生死无有始，亦复无有终。” 释：圣人有三种： 一者外道五神通，二者阿罗汉辟支佛，三者得神通大菩萨。 佛于三种中最上故言大圣。佛所言说无不是实，说生死无始。何以故？生死初后不可得，是故言无始。 汝谓若无初后应有中者，是亦不然，何以故？ 颂：“若无有始终，中当云何有；是故于此中，先后共亦无。” 释：因中后故有初，因初中故有后；若无初无后，云何有中。 生死中无初中后，是故说先后共不可得。何以故？
	乙二明三时无生死分三	丙一明生死非前后	颂：“若是先有生，后有老死者；不老死有生，不生有老死。” 颂：“若先有老死，而后有生者；是则为无因，不生有老死。” 释：生死众生，若先生渐有老，而后有死者，则生无老死。 法应生有老死，老死有生。又不老死而生，是亦不然。 又不因生有老死，若先老死后生，老死则无因，生在后故。 又不生何有老死。若谓生老死先后不可得，一时成者，是亦有过。何以故？
		丙二明生死非一时	颂：“生及于老死，不得一时共；生时则有死，是二俱无因。” 释：若生老死一时则不然，何以故？生时即有死故。 法应生时有，死时无。若生时有死，是事不然。若一时生，则无有相因。 如牛角一时出则不相因。
		丙三呵外人立有	颂：“若是初后共，是皆不然者；何故而戏论，谓有生老死。” 释：思惟生老死，三皆有过的故，即无生毕竟空。 而今何故贪着戏论，生老死谓有决定相。
	甲二明一切法无本际		颂：“复次：诸所有因果，及相可相法；受及受者等，所有一切法。 非但于生死，本际不可得；如是一切法，本际皆亦无。” 释：一切法者，所谓因果相可相，受及受者等。 皆无本际，非但生死无本际。以略开示故，说生死无本际。

表 12: (1 表) 观苦品 第十二 分三

科判				颂释
甲一总破四计				颂：“自作及他作，共作无因作；如是说诸苦，于果则不然。” 释：有人言：苦恼自作，或言他作，或言亦自作亦他作，或言无因作，于果皆不然。 于果皆不然者，众生以众缘致苦，厌苦欲求灭。 不知苦恼实因缘，有四种谬，是故说于果皆不然。何以故？
甲二别破四计分二	乙一破自他作分三	丙一明法不自他分二	丁一明法不自生	颂：“苦若自作者，则不从缘生；因有此因故，而有彼因生。” 释：长行言若苦自作者，则非众因缘生。 但因前五阴而有后五阴，所以说苦不自作。
			丁二明法不他作	颂：“若谓此五阴，异彼五阴者；如是则应言，从他而作苦。” 释：若此五阴与彼五阴异，彼五阴与此五阴异者，应从他作。 如缕与布异者，应离缕有布。若离缕无布者，则布不异缕。 如是彼五阴异此五阴者，则应离此五阴有彼五阴。 若离此五阴无彼五阴者，则此五阴不异彼五阴。 是故不应言苦从他作。 问曰：自作者是人，人自作苦自受苦。
		丙二明人不自作	丁一明人不自作	颂：“答曰：若人自作苦，离苦何有人；而谓与彼人，而能自作苦。” 释：若谓人自作苦者，离五阴苦何处别有人？ 而能自作苦，应说是人，而不可说。 是故苦非人自作。 若谓人不自作苦，他人作苦与此人者，是亦不然。何以故？
			丁二明人不他作	颂：“若苦他人作，而与此人者；若当离于苦，何有此人受。” 释：若他人作苦，与此人者。离五阴无有此人受。 颂：“复次：苦若彼人作，持与此人者；离苦有何人，而能授于此。” 释：若谓彼人作苦授与此人者，离五阴苦何有彼人作苦持与此人。 若有者应说其相。
		丙三双明人法不自他分二	丁一明人不自他	颂：“复次：自作若不成，云何彼作苦；若彼人作苦，即亦名自作。” 释：种种因缘彼自作苦不成，而言他作苦，是亦不然。 何以故？此彼相待故，若彼作苦于彼亦名自作苦。 自作苦先已破。汝受自作苦不成故。他作亦不成。
			丁二明法不自他	颂：“复次：若不名自作，法不自作法；彼无有自体，何有彼作苦。” 释：自作苦不然。何以故？如刀不能自割。 如是法不能自作法，是故不能自作。 他作亦不然，何以故？ 离苦无彼自性。 若离苦有彼自性者，应言彼作苦。 彼亦即是苦，云何苦自作苦。 问曰：若自作他作不然。应有共作。
	乙二明不共不无因		颂：“答曰：若彼此苦成，应有共作苦；此彼尚无作，何况无因作。” 释：自作他作犹尚有过，何况无因作。 无因多过。如破作作者品中说。	
甲三例破诸法				颂：“复次：非但说于果，四种义不成；一切外万物，四义亦不成。” 释：佛法中虽说五受阴为苦。 有外道人谓苦受为苦，是故说不但说于苦，四种义不成。 外万物地水山木等，一切法皆亦不成。

表 13-1：（2 表）观行品 第十三 分三

科判		颂释
甲 一 破外人虚妄人法分四	乙 一 外人立意	<p>颂：“问曰：如佛经所说，虚诳妄取相；诸行妄取故，是名为虚诳。”</p> <p>释：佛经中说虚诳者，即是妄取相。第一实者，所谓涅槃非妄取相。以是经说故，当知有诸行虚诳妄取相。</p>
	乙 二 论主破分二 丙 一 申经意	<p>颂：“答曰：虚诳妄取者，是中何所取；佛说如是事，欲以示空义。”</p> <p>释：若妄取相法即是虚诳者，是诸行中为何所取，佛如是说当知说空义。</p> <p>问曰：云何知一切诸行皆是空？</p> <p>答曰：一切诸行虚妄相故空。诸行生灭不住，无自性故空。</p> <p>诸行名五阴，从行生故。是五阴皆虚妄无有定相，何以故？</p> <p>如婴儿时色非匍匐时色，匍匐时色非行时色，行时色非童子时色，童子时色非壮年时色，壮年时色非老年时色。</p> <p>如色念念不住故，分别决定性不可得。</p> <p>婴儿色为即是匍匐色，乃至老年色为异，二俱有过。何以故？</p> <p>若婴儿色即是匍匐色，乃至老年色者，如是则是一色，皆为婴儿无有匍匐乃至老年。</p> <p>又如泥团常是泥团，终不作瓶，何以故？</p> <p>色常定故。若婴儿色异匍匐色者，则婴儿不作匍匐，匍匐不作婴儿，何以故？</p> <p>二色异故。如是童子、少年、壮年、老年色不应相续，有失亲属法无父无子。</p> <p>若尔者，唯有婴儿应得父。余则匍匐乃至老年不应有分，是故二俱有过。</p> <p>问曰：色虽不定。婴儿色灭已相续更生，乃至老年色，无有如上过。</p> <p>答曰：婴儿色相续生者，为灭已相续生？为不灭相续生？</p> <p>若婴儿色灭，云何有相续？以无因故。如虽有薪可燃，火灭故无有相续。</p> <p>若婴儿色不灭而相续者，则婴儿色不灭，常住本相亦无相续。</p> <p>问曰：我不说灭不灭故相续生，但说不住相似生故言相续生。</p> <p>答曰：若尔者，则有定色而更生，如是应有千万种色，但是事不然。</p> <p>如是亦无相续。如是一切处求色无有定相，但以世俗言说故有。</p> <p>如芭蕉树求实不可得，但有皮叶。如是智者求色相，念念灭更无实色可得。</p> <p>不住色形色相，相似次第生难可分别。如灯炎分别定色不可得。</p> <p>从是定色更有色生不可得，是故色无性故空，但以世俗言说故有。</p> <p>受亦如是，智者种种观察，次第相似故，生灭难可别知。</p> <p>如水流相续但以觉故，说三受在身，是故当知受同色说。</p> <p>想因名相生，若离名相则不生，是故佛说分别知名字相，故名为想。</p> <p>非决定先有，从众缘生无定性，无定性故如影随形。因形有影，无形则无影。</p> <p>影无决定性，若定有者，离形应有影，而实不尔。</p> <p>是故从众缘生，无自性故不可得。想亦如是，但因外名相，以世俗言说故有。</p> <p>识因色声香味触等，眼耳鼻舌身等生。以眼等诸根别异故。</p> <p>识有别异，是识为在色？为在眼？为在中间？</p> <p>无有决定，但生已识尘，识此人识彼人。知此人识，为即是知彼人识。</p> <p>为异是二难可分别。如眼识耳识亦难可分别。</p> <p>以难分别故，或言一或言异，无有决定分别，但从众缘生故。</p> <p>眼等分别故，空无自性。如技人含一珠，出已复示人则生疑。为是本珠？</p> <p>为更有异？识亦如是，生已更生，为是本识？为是异识？</p> <p>是故当知识不住故无自性，虚诳如幻。诸行亦如是，诸行者身口意。</p> <p>行有二种净不净，何等为不净，恼众生贪著等名不净。</p> <p>不恼众生实语不贪著等名净。或增或减。</p> <p>净行者，在人中、欲天、色天、无色天受果报已则减，还作故名增。</p> <p>不净行者亦如是。在地狱、畜生、饿鬼、阿修罗中受果报已则减，还作故名增。</p> <p>是故诸行有增有减故不住。如人有病随宜将适，病则除愈。若不将适病则还集。</p> <p>诸行亦如是。有增有减故不决定，但以世俗言说故有。因世谛故得见第一义谛。</p> <p>所谓无明缘诸行，从诸行有识著，识著故有名色，从名色有六入，从六入有触，从触有受，从受有爱，从爱有取，从取有有，从有有生，从生有老死忧悲苦，恼恩爱别苦，怨憎会苦等。</p> <p>如是诸苦皆以行为本。</p>

表 13-2: (2 表) 观行品 第十三 分三

甲一破外人虚妄人法分四	乙二论主破分二	丙一 申经 意	佛以世谛故说，若得第一义谛，生真智慧者则无明息，无明息故诸行亦不集，诸行不集故见谛所断，身见疑戒取等断，及思惟所断，贪恚色染无色染调戏无明亦断。 以是断故一一分灭。 所谓无明诸行识名色六入触，受爱取有生老死，忧悲苦恼恩爱别苦，怨憎会苦等皆灭。 以是灭故五阴身毕竟灭，更无有余，唯但有空。 是故佛欲示空义故，说诸行虚诞。 复次诸法无性故虚诞，虚诞故空。
		丙二 明破 立	颂：“诸法有异故，知皆是无性；无性法亦无，一切法空故。” 释：诸法无有性，何以故？诸法虽生不住自性，是故无性。 如婴儿定住自性者，终不作匍匐乃至老年。 而婴儿次第相续有异相现，匍匐乃至老年，是故说见诸法异相故知无性。 问曰：若诸法异相无性，即有无性法有何咎？ 答曰：若无性云何有法？云何有相？何以故。 无有根本故，但为破性故说无性。 是无性法若有者，不名一切法空。若一切法空，云何有无性法。
	乙三外 人救破		颂：“问曰：诸法若无性，云何说婴儿；乃至老死年，而有种种异。” 释：诸法若无性，则无有异相。而汝说有异相，是故有诸法性。 若无诸法性，云何有异相。
	乙四论主破救分二	丙一 有 无 门 破	颂：“答曰：若诸法有性，云何而得异；若诸法无性，云何而有异。” 释：若诸法决定有性，云何可得异，性名决定有，不可变异。 如真金不可变。又如暗性不变为明，明性不变为暗。
		丙二 一 异 门 破	颂：“复次：是法则无异，异法亦无异；如壮不作老，老亦不作老。” 释：若法有异者，则应有异相。 为即是法异？为异法异？是二不然。 若是法异，则老应作老，而老实不作老。 若异法异者，老与壮异壮应作老，而壮实不作老，二俱有过。 问曰：若法即异有何咎？如今眼见年少经日月岁数则老。 颂：“答曰：若是法即异，乳应即是酪；离乳有何法，而能作于酪。” 释：若是法即异者，乳应即是酪，更不须因缘。是事不然，何以故？ 乳与酪有种种异故。乳不即是酪，是故法不即异。 若谓异法为异者，是亦不然。 离乳更有何物为酪。如是思惟，是法不异，异法亦无异。 是故不应偏有所执。 问曰：破是破异犹有空在，空即是法。
甲二破外人执有空义			颂：“答曰：若有不空法，则应有空法；实无不空法，何得有空法。” 释：若有不空法，相因故应有空法。 而上来种种因缘破不空法，不空法无故则无相待，无相待故何有空法。 问曰：汝说不空法无故空法亦无，若尔者即是说空。 但无相待故不应有执。 若有对应有相待，若无对则无相待，相待无故则无相，无相故则无执。 如是即为说空。
甲三空有有非双破			颂：“答曰：大圣说空法，为离诸见故；若复见有空，诸佛所不化。” 释：大圣为破六十二诸见，及无明爱等诸烦恼故说空。 若人于空复生见者，是人不可化。 譬如有病须服药可治，若药复为病则不可治。 如火从薪出，以水可灭。若从水生为用何灭？ 如空是水能灭诸烦恼火，有人罪重贪著心深，智慧浅故。 于空生见或谓有空，或谓无空，因有无还起烦恼。 若以空化此人者，则言我久知是空。若离是空则无涅槃道。 如经说：离空无相无作门得解脱者，但有言说。

表 14: (1 表) 破合品 第十四 分三

科判			颂释
甲一纵异夺破分二			释：说曰：上破根品中，说见所见见者皆不成。 此三事无异法故则无合，无合义今当说。 问曰：何故眼等三事无合。
	乙一明三法异无合		颂：“答曰：见可见见者，是三各异方；如是三法异，终无有合时。” 释：见是眼根，可见是色尘，见者是我。是三事各在异处终无合时。 异处者，眼在身内色在身外，我者或言在身内，或言遍一切处，是故无合。 复次若谓有见法，为合而见不合而见，二俱不然。 何以故？若合而见者，随有尘处应有根有我，但是事不然，是故不合。 若不合而见者，根我尘各在异处亦应有见而不见。何以故？ 如眼根在此不见远处瓶，是故二俱不见。 问曰：我意根尘，四事合故有知生。 能知瓶衣等万物，是故有见可见见者。 答曰：是事根品中已破，今当更说。 汝说四事合故知生，是知为见瓶衣等物已生？为未见而生？ 若见已生者，知则无用。若未见而生者，是则未合，云何有知生。 若谓四事一时合而知生，是亦不然。若一时生则无相待，何以故？ 先有瓶次见后知生，一时则无先后。知无故见可见见者亦无。 如是诸法如幻如梦无有定相，何得有合，无合故空。
	乙二明一切法异无合		颂：“复次：染与于可染，染者亦复然；余入余烦恼，皆亦复如是。” 释：如见可见见者无合，故染可染染者亦应无合。 如说见可见见者三法，则说闻可闻闻者余入等。 如说染可染染者，则说瞋可瞋瞋者余烦恼等。
甲二正破异法合分二	乙一总释无异法分二	丙一明三法无异	颂：“复次：异法当有合，见等无有异；异相不成故，异等云何合。” 释：凡物皆以异故有合。而见等异相不可得，是故无合。
		丙二明一切法无合	颂：“复次：非但可见等，异相不可得；所有一切法，皆亦无异相。” 释：非但见可见见者等，三事异相不可得，一切法皆无异相。 问曰：何故无有异相？
	乙二别释无异法分二	丙一明无拳异相	颂：“答曰：异因异有异，异离异无异；若法所因出，是法不异因。” 释：汝所谓异，是异因异法故名为异。离异法不名为异，何以故？ 若法从众缘生，是法不异因，因坏果亦坏故。 如因梁椽等有舍，舍不异梁椽，梁椽等坏舍亦坏故。 问曰：若有定异法，有何咎？ 颂：“答曰：若离从异异，应余异有异；离从异无异，是故无有异。” 释：若离从异有异法者，则应离余异有异法。 而实离从异无有异法，是故无余异。 如离五指异有拳异者，拳异应于瓶等异物有异。 今离五指异拳异不可得，是故拳异于瓶等异法。 问曰：我经说异相不从众缘生，分别总相故有异相，因异相故有异法。
		丙二明无五指异	颂：“答曰：异中无异相，不异中亦无；无有异相故，则无此彼异。” 释：汝言分别总相故有异相，因异相故有异法，若尔者异相从众缘生。 如是即说众缘法是异相，离异法不可得故。 异相因异法而有，不能独成。 今异法中无异相，何以故？先有异法故何用异相。 不异法中亦无异相，何以故？若异相在不异法中，不名不异法。 若二处俱无，即无异相。 异相无故，此彼法亦无。复次，异法无故亦无合。
甲三明无异故无合			颂：“是法不自合，异法亦不合；合者及合时，合法亦皆无。” 释：是法自体不合，以一故，如一指不自合。 异法亦不合，以异故，异事已成不须合故。如是思惟，合法不可得。 是故说合者合时合法皆不可得。

表 15: (1 表) 观有无品 第十五 分二

科判		颂释
甲一离破有无见分四	乙一破有自性	<p>问曰：诸法各有性，以有力用故。 如瓶有瓶性布有布性，是性众缘合时则出。 颂：“答曰：众缘中有性，是事则不然；性从众缘出，即名为作法。” 释：若诸法有性，不应从众缘出，何以故？ 若从众缘出，即是作法无有定性。问曰：若诸法性从众缘作。有何咎？ 颂：“答曰：性若是作者，云何有此义；性名为无作，不待异法成。” 释：如金杂铜则非真金。 如是若有性则不须众缘，若从众缘出当知无真性。 又性若决定，不应待他出。非如长短彼此无定性故待他而有。 问曰：诸法若无自性，应有他性。</p>
	乙二破他性有	<p>颂：“答曰：法若无自性，云何有他性；自性与他性，亦名为他性。” 释：诸法性众缘作故，亦因待成故无自性。 若尔者，他性于他亦是自性。 亦从众缘生，相待故亦无，无故云何言诸法从他性生。 他性亦是自性故。 问曰：若离自性他性有诸法，有何咎？</p>
	乙三破自他外有性	<p>颂：“答曰：离自性他性，何得更有法；若有自他性，诸法则得成。” 释：汝说离自性他性有法者，是事不然。 若离自性他性则无有法，何以故？ 有自性他性法则成。如瓶体是自性依物是他性。 问曰：若以自性他性破有者，今应有无。</p>
	乙四破无亦无	<p>颂：“答曰：有若不成者，无云何可成；因有有法故，有坏名为无。” 释：若汝已受有不成者，亦应受无亦无。何以故？ 有法坏败故名无，是无因有坏而有。</p>
甲二合破有无见分二	乙一总破有无见	<p>颂：“复次：若人见有无，见自性他性；如是则不见，佛法真实义。” 释：若人深著诸法，必求有见。 若破自性则见他性，若破他性则见有，若破有则见无，若破无则迷惑。 若利根著心薄者，知灭诸见安隐，故更不生四种戏论。 是人则见佛法真实义。是故说上偈。 颂：“复次：佛能灭有无，于化迦旃延；经中之所说，离有亦离无。” 释：删陀迦旃延经中，佛为说正见义，离有离无。 若诸法中少决定有者，佛不应破有无。 若破有则人谓为无，佛通达诸法相故，说二俱无。是故汝应舍有无见。</p>
	乙二别破有无见分二	
	丙一无异破	<p>颂：“复次：若法实有性，后则不应异；性若有异相，是事终不然。” 释：若诸法决定有性，终不应变异，何以故？若定在自性，不应有异相。如上真金喻。今现见诸法有异相故，当知无有定相。 颂：“复次：若法实有性，云何而可异；若法实无性，云何而可异。” 释：若法定有性，云何可变异。若无性则无自体，云何可变异。</p>
	丙二断常破	<p>颂：“复次：定有则著常，定无则著断；是故有智者，不应著有无。” 释：若法定有有相，则终无无相，是即为常。何以故？ 如说三世者，未来中有法相，是法来至现在，转入过去，不舍本相，是则为常。又说因中先有果，是亦为常。 若说定有无，是无必先有今无，是则为断灭。 断灭名无相续因，由是二见即远离佛法。 问曰：何故因有生常见，因无生断见？ 颂：“答曰：若法有定性，非无则是常；先有而今无，是则为断灭。” 释：若法性定有，则是有相非无相，终不应无。 若无则非有即为无，先已说过故。如是则堕常见。 若法先有，败坏而无者是名断灭，何以故？ 有不应无故，汝谓有无各有定相故。 若有断常见者，则无罪福等破世间事，是故应舍。</p>

表 16: (1 表) 观缚解品 第十六 分二

科判			颂释
甲一破缚解根本分二	乙一破系缚根本分三	丙一常无常破	<p>问曰：生死非都无根本，于中应有众生往来。</p> <p>若诸行往来，汝以何因缘故，说众生及诸行尽空，无有往来？</p> <p>颂：“答曰：诸行往来者，常不应往来；无常亦不应，众生亦复然。”</p> <p>释：诸行往来六道生死中者，为常相往来？为无常相往来？二俱不然。</p> <p>若常相往来者，则无生死相续，以决定故，自性住故。</p> <p>若以无常往来者，亦无往来生死相续，以不决定故，无自性故。</p> <p>若众生往来者，亦有如是过。</p>
		丙二五求破	<p>颂：“复次：若众生往来，阴界诸入中；五种求尽无，谁有往来者。”</p> <p>释：生死阴界入即是一义，若众生于此阴界入中往来者，是众生于燃可燃品中，五种求不可得。谁于阴界入中而有往来者。</p>
		丙三有身无身破	<p>颂：“复次：若从身至身，往来即无身；若其无有身，则无有往来。”</p> <p>释：若众生往来，为有身往来？为无身往来？二俱不然。何以故？</p> <p>若有身往来，从一身至一身，如是则往来者无身。</p> <p>又若先已有身，不应复从身至身。</p> <p>若先无身则无有，若无有云何有生死往来。</p> <p>问曰：经说有涅槃灭一切苦，是灭应诸行灭，若众生灭？</p> <p>答曰：二俱不然。何以故？</p>
	乙二破解脱根本		<p>颂：“诸行若灭者，是事终不然；众生若灭者，是事亦不然。”</p> <p>释：汝说若诸行灭若众生灭，是事先已答。诸行无有性，众生亦无。种种推求生死往来不可得，是故诸行不灭，众生亦不灭。</p> <p>问曰：若尔者则无缚无解，根本不可得故。</p>
甲二破缚解自体分三	乙一总破缚解		<p>颂：“答曰：诸行生灭相，不缚亦不解；众生如先说，不缚亦不解。”</p> <p>释：汝谓诸行及众生有缚解者，是事不然。</p> <p>诸行念念生灭故，不应有缚解。众生先说五种推求不可得，云何有缚解。</p>
	乙二别破缚分二解	丁一明不自缚	<p>颂：“若身名为缚，有身则不缚；无身亦不缚，于何而有缚。”</p> <p>释：若谓五阴身名为缚，若众生先有五阴，则不应缚。何以故？一人有二身故。无身亦不应缚，何以故？</p> <p>若无身则无五阴，无五阴则空云何可缚。如是第三更无所缚。</p>
		丁二明不他缚	<p>颂：“复次：若可缚先缚，则应缚可缚；而先实无缚，余如去来答。”</p> <p>释：若谓可缚先有缚，则应缚可缚。</p> <p>而实离可缚先无缚，是故不得言众生有缚。</p> <p>或言众生是可缚，五阴是缚。</p> <p>或言五阴中诸烦恼是缚，余五阴是可缚。</p> <p>是事不然，何以故？</p> <p>若离五阴先有众生者，则应以五阴缚众生，而实离五阴无别众生。</p> <p>若离五阴别有烦恼者，则应以烦恼缚五阴，而实离五阴无别烦恼。</p> <p>复次如去来品中说：已去不去，未去不去，去时不去。</p> <p>如是未缚不缚，缚已不缚，缚时不缚。复次亦无有解。何以故？</p>
		丁一破有为解脱	<p>颂：“缚者无有解，不缚亦无解，缚时有解者，缚解则一时。”</p> <p>释：缚者无有解，何以故？已缚故。</p> <p>无缚亦无解，何以故？无缚故。</p> <p>若谓缚时有解，则缚解一时，是事不然。又缚解相违故。</p> <p>问曰：有人修道现入涅槃得解脱。云何言无？</p>
		丁二破无为解	<p>颂：“答曰：若不受诸法，我当得涅槃，若人如是者，还为受所缚。”</p> <p>释：若人作是念，我离受得涅槃，是人即为受所缚。</p>
	乙三双结无解缚		<p>颂：“复次：不离于生死，而别有涅槃，实相亦如是，云何有分别。”</p> <p>释：诸法实相第一义中，不说离生死别有涅槃。</p> <p>如经说：涅槃即生死，生死即涅槃。</p> <p>如是诸法实相中，云何言定是生死是涅槃。</p>

表 17-1：（3 表）观业品 第十七 分七

科判		颂释		
甲一正破业体分二	乙一外人立义	<p>问曰：汝虽种种破诸法，而业决定有，能令一切众生受果报。如经说：一切众生皆随业而生。恶者入地狱，修福者生天，行道者得涅槃。是故一切法不应空。</p> <p>颂：“人能降伏心，利益于众生，是名为慈善，二世果报种。”</p> <p>释：人有三毒恼他故生，行善者先自灭恶，是故说降伏其心利益他人。利益他者，行布施持戒忍辱等，不恼众生是名利益他，亦名慈善福德，亦名今世后世乐果种子。</p> <p>颂：“复次：大圣说二业，思与从思生，是别业相中，种种分别说。”</p> <p>释：大圣略说业有二种：一者思，二者从思生。是二业如阿毘昙中广说。</p> <p>颂：“佛所说思者，所谓意业是，所从思生者，即是身口业。”</p> <p>释：思是心数法，诸心数法中能发起有所作故名业。因是思故起外身口业。虽因余心心数法有所作，但思为所作本。故说思为业。是业今当说相。</p> <p>颂：“身业及口业，作与无作业，如是四事中，亦善亦不善；从用生福德，罪生亦如是，及思为七法，能了诸业相。”</p> <p>释：口业者四种口业。身业者。三种身业。是七种业有二种差别。有作有无作。作时名作业。作已常随逐生名无作业。是二种有善不善。不善名不止恶。善名止恶。复有从用生福德。如施主施受者。若受者受用。施主得二种福。一从施生。二从用生。如人以箭射人。若箭杀人有二种罪。一者从射生。二者从杀生。若射不杀。射者但得射罪。无杀罪。是故偈中说罪福从用生。如是名为六种业。第七名思。是七种即是分别业相。是业有今世后世果报。是故决定有业有果报故。诸法不应空。</p>		
	乙二论主破	<p>颂：“业住至受报，是业即为常，若灭即无业，云何生果报。”</p> <p>释：业若住至受果报，即为是常，是事不然。何以故？</p> <p>业是生灭相，一念尚不住，何况至果报。若谓业灭，灭则无，云何能生果报。</p>		
甲二破业相续分二	乙一外人立意分二	丙一通明业相续分二	丁一明外法相续	<p>颂：“如芽等相续，皆从种子生，从是而生果，离种无相续。从种有相续，从相续有果，先种后有果，不断亦不常。”</p>
		丁二明内法相续	<p>颂：“如是从初心，心法相续生，从是而有果，离心无相续。从心有相续，从相续有果，先业后有果，不断亦不常。”</p> <p>释：如从谷有芽，从芽有茎叶等相续。</p> <p>从是相续而有果生，离种无相续生。</p> <p>是故从谷子有相续，从相续有果。</p> <p>先种后有果故，不断亦不常。如谷种喻。业果亦如是。</p> <p>初心起罪福，犹如谷种。因是心余心心数法相续生，乃至果报。</p> <p>先业后果故，不断亦不常。若离业有果报，则有断常。</p> <p>是善业因果果报者。</p>	
			丙二别出十善业	<p>颂：“能成福业者，是十白业道，二世五欲乐，即是白业报。”</p> <p>释：白名善净，成福德因缘者，从是十白业道生，不杀不盗不邪淫不妄语不两舌不恶口不无益语不嫉不悲不邪见是名为善。</p> <p>从身口意生是果报者，得今世名利，后世天人中贵处生布施恭敬等，虽有种种福德，略说则摄在十善道中。</p>
	乙二论主破	<p>颂：“答曰：若如汝分别，其过则甚多；是故汝所说，于义则不然。”</p> <p>释：若以业果报相续故，以谷子为喻者，其过甚多，但此中不广说。汝说谷子喻者，是喻不然，何以故？</p> <p>谷子有触有形，可见有相续。</p> <p>我思惟是事，尚未受此言。</p> <p>况心及业，无触无形不可见，生灭不住欲以相续，是事不然。</p> <p>复次从谷子有芽等相续者，为灭已相续，为不灭相续？</p> <p>若谷子灭已相续者，则为无因。</p> <p>若谷子不灭而相续者，从是谷子常生诸谷。</p> <p>若如是者，一谷子则生一切世间谷，是事不然。</p> <p>是故业果报相续则不然。</p>		

表 17-2: (3 表) 观业品 第十七 分七

甲三破不失法分二	丙一序说			颂：“问曰：今当复更说，顺业果报义；诸佛辟支佛，贤圣所称叹。”
	乙一外人立意分二	丙二正说分二	丁一标不失法	颂：所谓“不失法如券，业如负财物。”
			戊一释不失法	颂：“此性则无记，分别有四种。见谛所不断，但思惟所断。以是不失法，诸业有果报。若见谛所断，而业至相似；则得破业等，如是之过咎。”
			戊二释果报	颂：“一切诸行业，相似不相似。一界初受身，尔时报独生。如是二种业，现世受果报。或言受报已，而业犹故在。若度果已灭，若死已而灭。于是中分别，有漏及无漏。” 释：不失法者，当知如券，业者如取物，是不失法。 欲界系色界系无色界系亦不系。 若分别善不善无记，无记中但是无记。 是无记义阿毘昙中广说，见谛所不断，从一果至一果，于中思惟所断。 是以诸业以不失法故果生。 若见谛所断者，业至相似则得破业过。 是事阿毘昙中广说。复次不失法者，于一界诸业相似不相似。初受身时果报独生于现在身，从业更生业。 是业有二种： 随重而受报，或有言是业受报已业犹在，以不念念灭故。 若度果已灭，若死已而灭者，须陀洹等度果已而灭，诸凡夫及阿罗汉死已而灭。 于此中分别有漏及无漏者，从须陀洹等诸贤圣，有漏无漏等应分别。 答曰：是义俱不离断常过，是故亦不应受。 问曰：若尔者，则无业果报。
	乙二例破			答曰：“是义俱不离断常过，青目破。”
甲四破断灭邪见分二	乙一申二谛中道分二	丙一明二谛不断常		颂：“答曰：虽空亦不断，虽有而不常；业果报不失，是名佛所说。” 释：此论所说义离于断常，何以故？ 业毕竟空寂灭相。 自性离有何法可断何法可失。 颠倒因缘故往来生死亦不常，何以故？ 若法从颠倒起，则是虚妄无实，无实故非常。 复次贪着颠倒不知实相故，言业不失。 此是佛所说。
		丙二明第一义谛不断常		颂：“复次：诸业本不生，以无定性故；诸业亦不灭，以其不生故。”
	乙二破外人定性之业分二	丙一就业门破业分二	丁一破未受果业	颂：“若业有性者，是则名为常；不作亦名业，常则不可作。若有不作业，不作而有罪；不断于梵行，而有不净过。是则破一切，世间语言法；作罪与作福，亦无有差别。”
			丁二破已受果业	颂：“若言业决定，而自有性者；受于果报已，而应更复受。”

表 17-3: (3 表) 观业品 第十七 分七

甲四破断灭邪见分二	乙二破外人定性之业分二		丙二举烦恼破业	<p>颂：“若诸世间业，从于烦恼生；是烦恼非实，业当何言实。”</p> <p>释：第一义中诸业不生，何以故？无性故。</p> <p>以不生因缘故则不灭，非以常故不灭。</p> <p>若不尔者，业性应决定有，若业决定有性，则为是常。</p> <p>若常则是不作业，何以故？常法不可作故。</p> <p>复次若有不作业者，则他人作罪此人受报。</p> <p>又他人断梵行而此人有罪，则破世俗法。</p> <p>若先有者，冬不应思为春事。春不应思为夏事，有如是等过。</p> <p>复次作福及作罪者，则无有别异。</p> <p>起布施持戒等业，名为作福。</p> <p>起杀盗等业，名为作罪。</p> <p>若不作而有业，则无有分别。</p> <p>复次是业若决定有性，则一时受果报已，复应更受。</p> <p>是故汝说以不失法故有业报，则有如是等过。</p> <p>复次若业从烦恼起，是烦恼无有决定，但从忆想分别有。</p> <p>若诸烦恼无实，业云何有实，何以故？</p> <p>因无性故业亦无性。</p> <p>问曰：若诸烦恼及业无性不实，今果报身现有应是实。</p>
	甲五破果报			<p>颂：“答曰：诸烦恼及业，是说身因缘；烦恼诸业空，何况于诸身。”</p> <p>释：诸贤圣说烦恼及业是身因缘，是中爱能润生著，业能生上中下好丑贵贱等果报。</p> <p>今诸烦恼及业，种种推求无有决定，何况诸身有决定果随因缘故。</p> <p>问曰：汝虽种种因缘破业及果报。</p> <p>而经说有起业者，起业者有故有业有果报。</p>
甲六破起业人分二	乙一外人立意		<p>颂：“无明之所蔽，爱结之所缚；而于本作者，不异亦不一。”</p> <p>释：无始经中说，众生为无明所覆，爱结所缚。</p> <p>于无始生死中，往来受种种苦乐。</p> <p>今受者于先作者，不即是亦不异。</p> <p>“若即”是人作罪受牛形，则人不作牛，牛不作人。</p> <p>“若异”则失业果报堕于断灭，是故今受者于先作者，不即是亦不异。</p>	
	乙二论主破分二	丙一明因人法无	<p>颂：“答曰：业不从缘生，不从非缘生；是故则无有，能起于业者。”</p>	
		丙二明果人法无	<p>颂：“无业无作者，何有业生果；若其无有果，何有受果者。”</p> <p>释：若无业无作业者，何有从业生果报。</p> <p>若无果报，云何有受果报者。</p> <p>业有三种，五阴中假名人是作者，是业于善恶处生名为果报。</p> <p>若起业者尚无，何况有业有果报及受果报者。</p> <p>问曰：汝虽种种破业果报及起业者，而今现见众生作业受果报。是事云何？</p>	
甲七破现见事分二		乙一别明法喻	<p>颂：“答曰：如世尊神通，所化变化人；如是变化人，复变作化人。如初变化人，是名为作者；变化人所作，是则名为业。”</p>	
		乙二总明法喻	<p>颂：“诸烦恼及业，作者及果报；皆如幻如化，如炎亦如响。”</p> <p>释：如佛神通力所作化人，是化人复化作化人，如化人无有实事但可眼见。</p> <p>又化人口业说法，身业布施等。是业虽无实而可眼见。</p> <p>如是生死身作者及业，亦应如是知。</p> <p>诸烦恼者名为三毒，分别有九十八使、九结、十缠、六垢等无量诸烦恼业，名为身口意业。</p> <p>今世后世分别有善不善无记，苦报乐报不苦不乐报，现报业、生报业、后报业如是等无量，作者名为能起诸烦恼业能受果报者。</p> <p>果报名从善恶业生无记五阴。</p> <p>如是等诸业皆空无性，如幻如梦，如炎如响。</p>	

表 18-1：（2 表）观法品 第十八 分三

科判			颂释	
甲一明 声闻禀 教得益 分二	乙一序声闻教法		问曰：若诸法尽毕竟空无生无灭，是名诸法实相者，云何入？ 答曰：灭我我所著故，得一切法空无我慧名为入。 问曰：云何知诸法无我？ 颂：“若我是五阴，我即为生灭； 若我异五阴，则非五阴相。若无有我者，何得有我所。”	
	乙二明 禀教得 益分二	丙一明得二无我智	颂：“灭我我所故，名得无我智。 得无我智者，是则名实观；得无我智者，是人为希有。”	
		丙二明得涅槃二益	颂：“内外我我所，尽灭无有故； 诸受即为灭，受灭则身灭。 业烦恼灭故，名之为解脱；业烦恼非实，入空戏论灭。”	
甲二明 菩萨禀 教得益 分二	乙一明 菩萨所 观之法 分二	丙一标方便实相门		颂：“诸佛或说我，或说于无我； 诸法实相中，无我无非我。”
		丙二释二 门分二	丁一释实相门	颂：“诸法实相者，心行言语断； 无生亦无灭，寂灭如涅槃。”
			丁二释方便门	颂：“一切实非实，亦实亦非实； 非实非非实，是名诸佛法。”
	乙二明 菩萨得 益分二	丙一明 得实方 便二慧 分二	丁一明得实慧益	颂：“自知不随他，寂灭无戏论； 无异无分别，是则名实相。”
			丁二明得方便益	颂：“若法从缘生，不即不异因； 是故名实相，不断亦不常。”
		丙二明得涅槃果益		颂：“不一亦不异，不常亦不断； 是名诸世尊，教化甘露味。”
甲三明 缘觉得 益	颂：“若佛不出世，佛法已灭尽；诸辟支佛智，从于远离生。” 释：有人说神应有二种。若五阴即是神，若离五阴有神。若五阴是神者神则生灭相。如偈中说：若神是五阴即是生灭相，何以故？生已坏败故。以生灭相故，五阴是无常。如五阴无常，生灭二法亦是无常，何以故？生灭亦生已坏败故无常。神若是五阴，五阴无常故，神亦应无常生灭相，但是事不然。若离五阴有神，神即无五阴相。如偈中说：若神异五阴，则非五阴相。而离五阴更无有法。若离五阴有法者，以何相何法而有。若谓神如虚空，离五阴而有者，是亦不然，何以故？破六种品中已破虚空，无有法名为虚空。若谓以有信故有神，是事不然，何以故？信有四种：一现事可信；二名比知可信，如见烟知有火；三名譬喻可信，如国无鎗石喻之如金；四名贤圣所说故可信。如说有地狱有天有鬻单越。无有见者信圣人语故知。是神于一切信中不可得，现事中亦无，比知中亦无，何以故？比知名先见故，后比类而知。如人先见火有烟，后但见烟则知有火。神义不然，谁能先见神与五阴合，后见五阴知有神。若谓有三种比知：一者如本，二者如残，三者共见。“如本”名先见火有烟，今见烟知如本有火。“如残”名如炊饭一粒熟，知余者皆熟。“共见”名如眼见人从此去到彼亦见其去。日亦如是，从东方出至西方。虽不见去以人有去相故，知日亦有去。如是苦乐憎爱觉知等，亦应有所依。如见人民知必依王。是事皆不然，何以故？共相信先见人与去法合而至余方，后见日到余方故知有去法。无有先见五阴与神合后见五阴知有神。是故共相比知中亦无神。圣人所说中亦无神，何以故？圣人所说，皆先眼见而后说。又诸圣人说余事可信故，当知说地狱等亦可信。而神不尔，无有先见神而后说者。是故于四信等诸信中，求神不可得。求神不可得故无，是故离五阴无别神。复次破根品中，见见者可见破故，神亦同破。又眼见粗法尚不可得，何况虚妄忆想等而有神，是故知无我。因有我故有所，若无我则无我所。修习八圣道分，灭我我所因缘故，得无我无我所决定智慧。又无我无我所者，于第一义中亦不可得。无我无我所者，能真见诸法。凡夫人以我我所障慧眼故，不能见实。今圣人无我我所故，诸烦恼亦灭。			

表 18-2: (2 表) 观法品 第十八 分三

甲 三 明 缘 觉 得 益	<p>诸烦恼灭故，能见诸法实相。</p> <p>内外我我所灭故诸受亦灭，诸受灭故无量后身皆灭，是名说无余涅槃。</p> <p>问曰：有余涅槃云何？</p> <p>答曰：诸烦恼及业灭故，名心得解脱。</p> <p>是诸烦恼业，皆从忆想分别生无有实，诸忆想分别皆从戏论生，得诸法实相毕竟空，诸戏论则灭，是名说有余涅槃实相法。如是诸佛以一切智观众生故种种为说，亦说有我亦说无我。</p> <p>若心未熟者，未有涅槃分，不知畏罪，为是等故说有我。</p> <p>又有得道者，知诸法空但假名有我，为是等故说无我。</p> <p>又有布施持戒等福德，厌离生死苦恼畏涅槃永灭，是故佛为是等说无我诸法。</p> <p>但因缘和合，生时空生，灭时空灭，是故说无我，但假名说有我。</p> <p>又得道者，知无我不堕断灭故，说无我无咎。</p> <p>是故偈中说：诸佛说有我，亦说于无我，若于真实中不说我非我。</p> <p>问曰：若无我是实，但以世俗故说有我，有何咎？</p> <p>答曰：因破我法有无我，我决定不可得，何有无我？若决定有无我，则是断灭生于贪著。</p> <p>如般若中说：菩萨有我亦非行，无我亦非行。问曰：若不说我非我空不空，佛法为何所说？</p> <p>答曰：佛说诸法实相，实相中无语言道，灭诸心行。</p> <p>心以取相缘生，以先世业果报故有，不能实见诸法，是故说心行灭。</p> <p>问曰：若诸凡夫心不能见实，圣人之心应能见实，何以故说一切心行灭？</p> <p>答曰：诸法实相即是涅槃，涅槃名灭。是灭为向涅槃故亦名为灭。</p> <p>若心是实，何用空等解脱门。诸禅定中，何故以灭尽定为第一。</p> <p>又亦终归无余涅槃，是故当知一切心行皆是虚妄，虚妄故应灭。</p> <p>诸法实相者，出诸心数法，无生无灭寂灭相如涅槃。</p> <p>问曰：经中说诸法先来寂灭相即是涅槃，何以言如涅槃？</p> <p>答曰：诸法者分别法有二种，是世间是涅槃。说涅槃是寂灭不说世间是寂灭。</p> <p>此论中说一切法性空寂灭相，为著法者不解故，以涅槃为喻。</p> <p>如汝说涅槃相空无相寂灭无戏论，一切世间法亦如是。</p> <p>问曰：若佛不说我非我，诸心行灭，言语道断者，云何令人知诸法实相？</p> <p>答曰：诸佛无量方便力，诸法无决定相，为度众生或说一切实，或说一切不实，或说一切非实非不实。一切实者，推求诸法实性，皆入第一义平等一相。</p> <p>所谓无相，如诸流异色异味，入于大海则一色一味。</p> <p>一切不实者，诸法未入实相时，各各分别观皆无有实，但众缘合故有。</p> <p>一切实不实者，众生有三品有上中下。</p> <p>上者观诸法相非实非不实；中者观诸法相一切实一切不实；下者智力浅故，观诸法相少实少不实。观涅槃无为法不坏故实，观生死有为法虚伪故不实。</p> <p>非实非不实者，为破实不实故，说非实非不实。</p> <p>问曰：佛于余处说离非有非无，此中何以言非有非无是佛所说？</p> <p>答曰：余处为破四种贪着故说，而此中于四句无戏论，闻佛说则得道。是故言非实非不实。</p> <p>问曰：知佛以是四句因缘说。又得诸法实相者以何相可知。又实相云何？</p> <p>答曰：若能不随他。不随他者，若外道虽现神力说是道是非道，自信其心而不随之，乃至变身虽不知非佛，善解实相故心不可回。此中无法可取可舍故，名寂灭相。</p> <p>寂灭相故，不为戏论所戏论。戏论有二种：一者爱论，二者见论。</p> <p>是中无此二戏论，二戏论无故，无忆想分别，无分别异相，是名实相。</p> <p>问曰：若诸法尽空，将不堕断灭耶？又不生不灭或堕常耶？</p> <p>答曰：不然。先说实相无戏论，心相寂灭言语道断。汝今贪着取相，于实法中见断常过。</p> <p>得实相者，说诸法从众缘生，不即是因亦不异因，是故不断不常。</p> <p>若果异因则是断，若不异因则是常。问曰：若如是解有何等利？</p> <p>答曰：若行道者能通达如是义，则于一切法不一不异，不断不常。</p> <p>若能如是，即得灭诸烦恼戏论，得常乐涅槃。是故说诸佛以甘露味教化。</p> <p>如世间言得天甘露浆，则无老病死无诸衰恼。此实相法是真甘露味。</p> <p>佛说实相有三种：若得诸法实相，灭诸烦恼，名为声闻法；若生大悲发无上心，名为大乘；若佛不出世，无有佛法时，辟支佛因远离生智。若佛度众生已，入无余涅槃。</p> <p>遗法灭尽，先世若有应得道者，少观厌离因缘，独入山林远离喧闹，得道名辟支佛。</p>
---------------------------------	--

表 19: (1 表) 观时品 第十九 分二

科判			颂释
甲一待不待门破分二	乙一就待不待门破时分二	丙一就相待门破	<p>问曰：应有时，以因待故成。</p> <p>因有过去时，则有未来现在时；因现在时，有过去未来时；因未来时，有过去现在时。</p> <p>上中下一异等法，亦相因待故有。</p> <p>颂：“答曰：若因过去时，有未来现在；未来及现在，应在过去时。”</p> <p>释：若因过去时，有未来现在时者；则过去时中，应有未来现在时。何以故？</p> <p>随所因处有法成，是处应有是法。</p> <p>如因灯有明成，随有灯处应有明。</p> <p>如是因过去时，成未来现在时者；则过去时中，应有未来现在时。</p> <p>若过去时中，有未来现在时者；则三时尽名过去时。何以故？</p> <p>未来现在时，在过去时中故。</p> <p>若一切时尽过去者，则无未来现在时，尽过去故。</p> <p>若无未来现在时，亦应无过去时。何以故？</p> <p>过去时因未来现在时故，名过去时。</p> <p>如因过去时成未来现在时，如是亦应因未来现在时成过去时。</p> <p>今无未来现在时故，过去时亦应无。</p> <p>是故先说因过去时成未来现在时，是事不然。</p> <p>若谓过去时中，无未来现在时，而因过去时成未来现在时，是事不然。何以故？</p> <p>颂：“若过去时中，无未来现在；未来现在时，云何因过去。”</p> <p>释：若未来现在时，不在过去时中者，云何因过去时，成未来现在时。何以故？</p> <p>若三时各异相，不应相因待成。如瓶衣等物各自别成不相因待。</p> <p>而今不因过去时，则未来现在时不成；不因现在时，则过去未来时不成；不因未来时，则过去现在时不成。</p> <p>汝先说过去时中，虽无未来现在时，而因过去时，成未来现在时者，是事不然。</p> <p>问曰：若不因过去时，成未来现在时，而有何咎？</p>
		丙二就不相待门破	<p>颂：“答曰：不因过去时，则无未来时；亦无现在时，是故无二时。”</p> <p>释：不因过去时，则不成未来现在时。何以故？</p> <p>若不因过去时，有现在时者，于何处有现在时。</p> <p>未来亦如是，于何处有未来时。</p> <p>是故不因过去时，则无未来现在时。</p> <p>如是相待有故，实无有时。</p>
		乙二例破余二时	<p>颂：“以如是义故，则知余二时；上中下一异，是等法皆无。”</p> <p>释：以如是义故，当知余未来现在亦应无，及上中下一异等诸法亦应皆无。</p> <p>如因上有中下，离上则无中下；若离上有中下，则不应相因待。</p> <p>因一故有异，因异故有一。</p> <p>若一实有，不应因异而有；若异实有，不应因一而有。</p> <p>如是等诸法，亦应如是破。</p> <p>问曰：如有岁月日须臾等差别故知有时。</p>
	甲二就体相门破		<p>颂：“时住不可得，时去亦叵得；时若不可得，云何说时相。</p> <p>因物故有时，离物何有时；物尚无所有，何况当有时。”</p> <p>释：时若不住，不应可得，时住亦无。</p> <p>若时不可得，云何说时相。</p> <p>若无时相则无时，因物生故则名时，若离物则无时。</p> <p>上来种种因缘破诸物无故何有时。</p>

表 20-1：（2 表）观因果品 第二十 分二

科判			颂释
甲一别破十家因果分五	乙一破有无一双分四	丙一初破因中有果	<p>问曰：众因缘和合现有果生，当知是果从众缘和合有。</p> <p>颂：“答曰：若众缘和合，而有果生者；和合中已有，何须和合生。”</p> <p>释：若谓众因缘和合有果生者，是果则和合中已有，而从和合生者，是事不然。</p> <p>何以故？果若先有定体，则不应从和合生。</p> <p>问曰：众缘和合中虽无果，而果从众缘生者，有何咎？</p>
		丙二破因果无果	<p>颂：“答曰：若众缘和合，是中无果者；云何从众缘，和合而生果。”</p> <p>释：若从众缘和合则果生者，若和合中无果，而从和合生。</p> <p>是事不然。何以故？若物无自性，是物终不生。</p>
		丙三重破因中有果	<p>颂：“复次：若众缘和合，是有果者；和合中应有，而实不可得。”</p> <p>释：若从众缘和合中有果者。若色应可眼见，若非色应可意知。</p> <p>而实和合中果不可得。是故和合中有果，是事不然。</p>
		丙四重破因中无果	<p>颂：“复次：若众缘和合，是中无果者；是则众因缘，与非因缘同。”</p> <p>释：若众缘和合中无果者，则众因缘即同非因缘。</p> <p>如乳是酪因缘，若乳中无酪，水中亦无酪，若乳中无酪则与水同，不应言但从乳出。</p> <p>是故众缘和合中无果者，是事不然。</p> <p>问曰：因为果作因已灭，而有因果生，无如是咎。</p>
	乙二破与果不与果分二	丙一破因与果作因	<p>颂：“答曰：若因与果因，作因已而灭；是因有二体，一与一则灭。”</p> <p>释：若因与果作因已而灭者，是因则有二体：一谓与因，二谓灭因。</p> <p>是事不然，一法有二体故。是故因与果作因已而灭，是事不然。</p> <p>问曰：若谓因不与果作因已而灭，亦有果生。有何咎？</p>
		丙二破因不与果作因	<p>颂：“若因不与果，作因已成灭；因灭而果生，是果则无因。”</p> <p>释：若是因不与果作因已而灭者，则因灭已而果生，是果则无因。</p> <p>是事不然。何以故？现见一切果无有无因者。</p> <p>是故汝说因不与果作因已而灭亦有果生者，是事不然。</p> <p>问曰：众缘合时而有果生者，有何咎？</p>
	乙三破一时前后生分二	丙一破因果一时	<p>颂：“答曰：若众缘合时，而有果生者；生者及可生，则为一时俱。”</p> <p>释：若众缘合时有果生者，则生者可生即一时俱。但是事不尔。</p> <p>何以故？如父子不得一时生。是故汝说众缘合时有果生者，是事不然。</p> <p>问曰：若先有果生，而后众缘合，有何咎？</p>
		丙二破前果后因	<p>颂：“答曰：若先有果生，而后众缘合；此即离因缘，名为无果因。”</p> <p>释：若众缘未合，而先有果生者，是事不然。</p> <p>是果离因缘故，则名无因果。</p> <p>是故汝说众缘未合时先有果生者，是事则不然。</p> <p>问曰：因灭变为果者，有何咎？</p>
	乙四破因灭变不变分二	丙一破因灭变果生	<p>颂：“答曰：若因变为果，因即至于果；是则前生因，生已而复生。”</p> <p>释：因有二种：一者前生，二者共生。若因灭变为果，果是前生因，应还更生。但是事不然。何以故？已生物不应更生。</p> <p>若谓是因即变为果，是亦不然。何以故？</p> <p>若即是不名为变，若变不名即是。</p> <p>问曰：因不尽灭但名字灭，而因体变为果。</p> <p>如泥团变为瓶，失泥团名而瓶名生。</p> <p>答曰：泥团先灭而有瓶生，不名为变。</p> <p>又泥团体不独生瓶，瓮瓮等皆从泥中出。</p> <p>若泥团但有名，不应变为瓶。变名如乳变为酪。</p> <p>是故汝说因名虽灭而变为果，是事不然。</p> <p>问曰：因虽灭失而能生果，是故有果无如是咎。</p>
		丙二破因灭不变果生	<p>颂：“答曰：云何因灭失，而能生于果；又若因在果，云何因生果。”</p> <p>释：若因灭失已，云何能生果。若因不灭而与果合，何能更生果。</p> <p>问曰：是因遍有果而果生。</p>

表 20-2：（2 表）观因果品 第二十 分二

甲一别破十家 因果分五		乙五破遍 不遍	颂：“答曰：若因遍有果，更生何等果；因见不见果，是二俱不生。” 释：是因若不见果，尚不应生果，何况见？ 若因自不见果，则不应生果。何以故？若不见果，果则不随因。 又未有果，云何生果？若因先见果，不应复生果，已有故。
甲二总破一切因果分五	乙一合 不合破 分二	丙一破合	颂：“复次：若言过去因，而于过去果，未来现有果，是则终不合； 若言未来因，而于未来果，现在过去果，是则终不合； 若言现在因，而于现在果，未来过去果，是则终不合。” 释：过去果不与过去未来现在因合，未来果不与未来现在过去因合， 现在果不与现在未来过去因合。 如是三种果终不与过去未来现在因合。
		丙二破不合	颂：“复次：若不和合者，因何能生果，若有和合者，因何能生果。” 释：若因果不和合则无果，若无果云何因能生果。 若谓因果和合时因能生果者，是亦不然。何以故？ 若果在因中，则因中已有果，云何而复生。
	乙二空 不空破 分二	丙一因空不空破	颂：“复次：若因空无果，因何能生果；若因不空果，因何能生果。” 释：若因无果者，以无果故因空，云何因生果。 如人不怀妊，云何能生子。若因先有果，已有果故不应复生。
		丙二果空不空破	颂：“复次：果不空不生，果不空不灭，以果不空故，不生亦不灭； 果空故不生，果空故不灭，以果是空故，不生亦不灭。” 释：果若不空，不应生、不应灭。何以故？ 果若因中先决定有，更不须复生。 生无故无灭，是故果不空故，不生不灭。 若谓果空故有生灭，是亦不然。 何以故？果若空空名无所有，云何当有生灭？ 是故说果空故，不生不灭。
	乙三一异破		颂：“因果是一者，是事终不然；因果若异者，是事亦不然。 若因果是一，生及所生一；若因果是异，因则同非因。”
	乙四有性无性破		颂：“若果定有性，因为何所生；若果定无性，因为何所生。 因不生果者，则无有因相；若无有因相，谁能有果生。”
乙五和合不和合破		颂：“若从众因缘，而有和合法，和合自不生，云何能生果； 是故果不从，缘合不合生，若无有果者，何处有合法。” 释：是众缘和合法，不能生自体。自体无故云何能生果。 是故果不从缘合生，亦不从不合生。若无有果者，何处有合法？	

表 21-1：（3 表）观成坏品 第二十一 分八

科判		颂释
甲一就共离门破分三	乙一双标二门	问曰：一切世间事现是坏败相。是故有坏。 颂：“答曰：离成及共成，是中无有坏；离坏及共坏，是中亦无成。” 释：若有成若无成俱无坏，若有坏若无坏俱无成。何以故？
	乙二释二门	颂：“若离于成者，云何而有坏；如离生有死，是事则不然。 成坏共有者，云何有成坏；如世间生死，一时则不然。 若离于坏者，云何当有成；无常未曾有，不在诸法时。” 释：若离成坏不可得。何以故？若离成有坏者，则不因成有坏，坏则无因。 又无成法而可坏，成名众缘合，坏名众缘散。若离成有坏者，无成谁当坏？ 如无瓶不得言瓶坏，是故离成无坏。若谓共成有坏者，是亦不然。何以故？ 法先别成而后有合，合法不离异。若坏离异坏则无因。是故共成亦无坏。 若离坏共坏无有成者，若离坏有成成则为常。 常是不坏相，而实不见有法常不坏相，是故离坏无成。 若谓共坏有成者，是亦不然。成坏相违，云何一时有。 如人有发无发不得一时俱，成坏亦尔。是故共坏有成。是事不然。何以故？ 若谓分别法者，说成中常有坏，是事不然。何以故？ 若成中常有坏，则不应有住法，而实有住，是故若离坏共坏不应有成。

表 21-2: (3 表) 观成坏品 第二十一 分八

甲一就 共离门 破分三	乙三双 结二门	<p>颂：“成坏共无成，离亦无有成；是二俱不可，云何当有成。”</p> <p>释：若成坏共亦无成，离亦无成。若共成则二法相违，云何一时。</p> <p>若离则无因。二门俱不成，云何当有成。若有应说。</p> <p>问曰：现有尽灭相法，是尽灭相法，亦说尽亦说不尽。如是则应有成坏。</p>
甲二尽不尽门破		<p>颂：“答曰：尽则无有成，不尽亦不成；尽则无有坏，不尽亦无坏。”</p> <p>释：诸法日夜中念念常灭尽，过去如水流不住是则名尽。</p> <p>是事不可取不可说，如野马无决定不可得。</p> <p>如是灭尽无决定性可得，云何可得分别说有成，是故言尽亦不成。</p> <p>成无故亦不应有坏，是故说尽亦无有坏。又念念生灭常相续不断故名不尽。</p> <p>如是法决定常住不断，云何可得分别说言今是成时？是故说无尽亦无成。</p> <p>成无故无坏，是故说不尽亦无坏。如是推求实事不可得故。无成无坏。</p> <p>问曰：且置成坏。但令有法有何咎？</p>
甲三体相门破		<p>颂：“答曰：若离于成坏，是亦无有法；若当离于法，亦无有成坏。”</p> <p>释：离成坏无法者，若法无成无坏，是法应或无或常。</p> <p>而世间无有常法，汝说离成坏有法，是事不然。</p> <p>问曰：若离法但有成坏，有何咎？</p> <p>答曰：离法有成坏，是亦不然。何以故？若离法谁成谁坏。</p> <p>是故离法有成坏，是事不然。</p>
甲四空不空门破		<p>颂：“复次：若法性空者，谁当有成坏；若性不空者，亦无有成坏。”</p> <p>释：若诸法性空，空何有成有坏。</p> <p>若诸法性不空，不空则决定有，亦不应有成坏。</p>
甲五一异门破		<p>颂：“复次：成坏若一者，是事则不然；成坏若异者，是事亦不然。”</p> <p>释：推求成坏一则不可得。何以故？异相故，种种分别故。</p> <p>又成坏异亦不可得。何以故？无有别故，亦无因故。</p>
甲六生灭门破分二	乙一取意破	<p>颂：“复次：若谓以现见，而有生灭者；则为是痴妄，而见有生灭。”</p> <p>释：若谓以眼见有生灭者，云何以言说破。是事不然。何以故？</p> <p>眼见生灭者，则是愚痴颠倒故。见诸法性空无决定如幻如梦。</p> <p>但凡夫先世颠倒因缘得此眼，今世忆想分别因缘故，言眼见生灭。</p> <p>第一义中实无生灭。是事已于破相品中广说。</p>
	乙二释破无生义分二	<p>丙一四句明无生</p> <p>颂：“复次：从法不生法，亦不生非法；从非法不生，法及于非法。”</p> <p>释：从法不生法者，若至若失二俱不然。从法生法，若至若失是则无因。</p> <p>无因则堕断常。若以至从法生法，是法至已而名为生，则为是常。</p> <p>又生已更生，又亦无因生，是事不然。若以失从法生法者，是则失因。</p> <p>生者无因，是故从失亦不生法。从法不生非法者，非法名无所有。</p> <p>法名有，云何从有相生无相。是故从法不生非法。</p> <p>从非法不生法者，非法名为无，无云何生有。</p> <p>若从无生有者，是则无因，无因则有大过。是故不从非法生法。</p> <p>不从非法生非法者，非法名无所有，云何从无所有生无所有。</p> <p>如兔角不生龟毛，是故不从非法生非法。</p> <p>问曰：法非法虽种种分别故无生，但法应生法。</p>
	丙二三门明无生	<p>颂：“答曰：法不从自生，亦不从他生；不从自他生，云何而有生。”</p> <p>释：法未生时无所有故，又即自不生故，是故法不自生。</p> <p>若法未生则亦无他，无他故不得言从他生。</p> <p>又未生则无自，无自亦无他，共亦不生。若三种不生，云何从法有法生？</p>
甲七断常门破分三	乙一论主破	<p>颂：“复次：若有所受法，即堕于断常；当知所受法，若常若无常。”</p> <p>释：受法者，分别是善是不善常无常等。是人必堕若常见若断见。何以故？</p> <p>所受法应有二种，若常若无常，二俱不然。何以故？</p> <p>若常即堕常边，若无常即堕断边。</p>
	乙二外人救	<p>颂：“问曰：所有受法者，不堕于断常；因果相续故，不断亦不常。”</p> <p>释：有人虽信受分别说诸法，而不堕断常。</p> <p>如经说五阴无常苦空无我，而不断灭。虽说罪福无量劫数不失，而不是常。</p> <p>何以故？是法因果常生灭相续故，往来不绝，生灭故不常，相续故不断。</p>

表 21-3: (3 表) 观成坏品 第二十一 分八

甲七断常门破分三	乙三破外人救义分二	丙一就断灭破	<p>颂：“答曰：若因果生灭，相续而不断；灭更不生故，因即为断灭。”</p> <p>释：若汝说诸法因果相续故，不断不常。若灭法已灭，更不复生。是则因断。若因断云何有相续。以灭不生故。</p>
		丙二断常破	<p>颂：“复次：法住于自性，不应有有无；涅槃灭相续，则堕于断灭。”</p> <p>释：法决定在有相中，尔时无无相。如瓶定在瓶相，尔时无失坏相。随有瓶时无失坏相，无瓶时亦无失坏相。何以故？</p> <p>若无瓶则无所破，以是义故灭不可得。离灭故亦无生，何以故？</p> <p>生灭相因待故。又有常等过故。是故不应于一法而有有无。</p> <p>又汝先说因果生灭相续故，虽受诸法不堕断常。是事不然。何以故？</p> <p>汝说因果相续故，有三有相续。灭相续名涅槃。</p> <p>若尔者，涅槃时应堕断灭。以灭三有相续故。</p>
甲八三世门破分四	乙一灭不灭门破		<p>颂：“复次：若初有灭者，则无有后有；初有若不灭，亦无有后有。”</p> <p>释：初有名今世有，后有名来世有。若初有灭次有后有，是即无因。是事不然，是故不得言初有灭有后有。若初有不灭，亦不应有后有。何以故？若初有未灭而有后有者，是则一时有二有。是事不然。</p> <p>是故初有不灭无有后有。</p> <p>问曰：后有不以初有灭生，不以不灭生，但灭时生。</p>
	乙二一时二有破		<p>颂：“答曰：若初有灭时，而后有生者，灭时是一有，生时是一有。”</p> <p>释：若初有灭时后有生者，即二有一时俱。一有是灭时，一有是生时。</p> <p>问曰：灭时生时二有俱者则不然，但现见初有灭时后有生。</p>
	乙三生死一时有		<p>颂：“答曰：若言于生灭，而谓一时者，则于此阴死，即于此阴生。”</p> <p>释：若生时灭时一时无二有，而谓初有灭时后有生者，今应随在何阴中死，即于此阴生，不应余阴中生。何以故？死者即是生者。</p> <p>如是死生相违法，不应一时一处。</p> <p>是故汝先说灭时生时一时无二有，但现见初有灭时后有生者。是事不然。</p>
	乙四总结		<p>颂：“复次：三世中求有，相续不可得；若三世中无，何有有相续。”</p> <p>释：三有名欲有色有无色有。</p> <p>无始生死中不得实智故，常有三有相续，今于三世中谛求不可得。</p> <p>若三世中无有，当于何处有有相续。</p> <p>当知有有相续，皆从愚痴颠倒故有，实中则无。</p>

表 22-1: (3 表) 观去来品 第二 分四

科判			颂释
甲一破有是佛分三	乙一破人是佛分四	丙一明佛与阴不一异	<p>问曰：一切世中尊，唯有如来正遍知，号为法王。一切智人是则应有。</p> <p>答曰：今谛思惟，若有应取。若无何所取。何以故？如来：</p> <p>颂：“非阴非离阴，此彼不相在；如来不有阴，何处有如来。”</p> <p>释：若如来实有者，为五阴是如来？为离五阴有如来？为如来中有五阴？为五阴中有如来？为如来有五阴。是事皆不然。五阴非是如来，何以故？</p> <p>生灭相故，五阴生灭相。若如来是五阴，如来即是生灭相。</p> <p>若生灭相者，如来即有无常断灭等过。</p> <p>又受者受法则一，受者是如来，受法是五阴。是事不然？是故如来非是五阴。</p> <p>离五阴亦无如来，若离五阴有如来者，不应有生灭相。</p> <p>若尔者，如来有常等过。</p> <p>又眼等诸根不能见知，但是事不然，是故离五阴亦无如来。</p> <p>如来中亦无五阴，何以故？</p> <p>若如来中有五阴，如器中有果，水中有鱼者，则为有异。</p> <p>若异者，即有如上常等过，是故如来中无五阴。又五阴中无如来，何以故？</p> <p>若五阴中有如来，如床上有人，器中有乳者，如是则有别异。</p> <p>如上说过，是故五阴中无如来。如来亦不有五阴，何以故？</p> <p>若如来有五阴，如人有子，如是则有别异。若尔者，有如上过。</p> <p>是事不然，是故如来不有五阴。如是五种求不可得，何等是如来。</p> <p>问曰：如是义求如来不可得，而五阴和合有如来。</p>

表 22-2: (3 表) 观去来品 第二 分四

甲一破有是佛分三	乙一破人是佛分四	丙二佛与阴不自不他分二	丁一破自	颂：“答曰：阴合有如来，则无有自性。”	
			戊一夺破	颂：“若无有自性，云何因他有。” 释：若如来五阴和合故有，即无自性，何以故？因五阴和合有故。 问曰：如来不以自性有，但因他性有。 答曰：若无自性云何因他性有，何以故？他性亦无自性。 又无相待因故，他性不可得。不可得故不名为他。	
				戊二纵破	颂：“复次：法若因他生，是即非有我；若法非我者，云何是如来。” 释：若法因众缘生，即无有我。如因五指有拳，是拳无有自体。 如是因五阴名我，是我即无自体。我有种种名，或名众生、人、天、如来等。若如来因五阴有，即无自性，无自性故无我。 若无我云何说名如来。是故偈中说：法若因他生，是即为非我。 若法非我者，云何是如来。
			戊三相待破		颂：“复次：若无有自性，云何有他性；离自性他性，倾听名为如来。” 释：若无自性，他性亦不应有。因自性故名他性，此无故彼亦无。 是故自性他性二俱无。若离自性他性，谁为如来？
		丙三如来与五阴非先非后分二	丁一明不得先人后阴	颂：“复次：若不因五阴，先有如来者，以今受阴故，则说为如来。今实不受阴，更无如来法，若以不受无，今当云何受。”	
			丁二明不得先阴后人	颂：“若其未有受，所受不名受；无有无受法，而名为如来。”	
		丙四总结佛不可得		颂：“若于一异中，如来不可得；五种求亦无，云何受中有。”	
	乙二破法是佛	颂：“又所受五阴，不从自性有；若无自性者，云何有他性。” 释：若未受五阴，先有如来者，是如来今应受五阴已作如来，而实未受五阴时先无如来，今云何当受？又不受五阴者，五阴不名为受，无有无受而名为如来。又如来一异中求不可得，五阴中五种求亦不可得。 若尔者，云何于五阴中说有如来。又所受五阴，不从自性有。若谓从他性有，若不从自性有，云何从他性有。何以故？以无自性故，又他性亦无。			
		乙三结破人法	颂：“复次：以如是义故，受空受者空，云何当以空，而说空如来。” 释：以是义思惟，受及受者皆空。若受空者，云何以空受，而说空如来。 问曰：汝谓受空受者空，则定有空耶？答曰：不然，何以故？		
	甲二破空是如来分二	乙一明空等四句是如来	颂：“空则不可说，非空不可得，共不共叵说，但以假名说。” 释：诸法空则不应说，诸法不空亦不应说，诸法空不空亦不应说，非空非不空亦不应说，何以故？但破相违故，以假名说。 如是正观思惟，诸法实相中，不应以诸难为难。何以故？		
乙二破常等四句是如来		颂：“寂灭相中无，常无常等四；寂灭相中无，边无边等四。” 释：诸法实相，如是微妙寂灭。但因过去世，起四种邪见。 世间有常，世间无常，世间常无常，世间非常非无常。寂灭中尽无。 何以故？诸法实相，毕竟清净不可取。空尚不受，何况有四种见？ 四种见皆因受生，诸法实相无所因受。四种见皆以自见为贵他见为贱。 诸法实相无有此彼，是故说寂灭中无四种见。 如因过去世有四种见，因未来世有四种见。 亦如是世间有边，世间无边，世间有边无边，世间非有边非无边。 问曰：若如是破如来者，则无如来耶？			
甲三料简空有俱非如来分二	乙一明如来现在非有无	颂：“答曰：邪见深厚者，则说无如来；如来寂灭相，分别有亦无。” 释：邪见有二种：一者破世间乐，二者破涅槃道。破世间乐者，是粗邪见。言无罪无福，无如来等贤圣。起是邪见舍善为恶，则破世间乐。 破涅槃道者，贪着于我，分别有无，起善灭恶。 起善故得世间乐，分别有无故不得涅槃。是故若言无如来者，是深厚邪见，乃失世间乐，何况涅槃？若言有如来，亦是邪见。何以故？ 如来寂灭相，而种种分别故，是故寂灭相中，分别有如来亦为非。			
	乙二明如来灭后非有无	颂：“如是性空中，思惟亦不可；如来灭度后，分别于有无。” 释：诸法实相性空故，不应于如来灭后思惟若有若无。 若有无如来从本已来毕竟空，何况灭后。			

表 22-3：（3 表）观去来品 第二 分四

甲四呵外人意	<p>颂：“如来过戏论，而人生戏论；戏论破慧眼，是皆不见佛。”</p> <p>释：戏论名忆念取相分别此彼。</p> <p>言佛灭不灭等，是人为戏论覆慧眼故，不能见如来法身。</p> <p>此如来品中，初中后思惟如来定性不可得。是故偈说：</p>
甲五示如来相	<p>颂：“如来所有性，即是世间性，如来无有性，世间亦无性。”</p>

表 23-1：（2 表）观颠倒品 第二十三 分二

科判				颂释
甲一破颠倒烦恼生义分二	乙一破烦恼颠倒分二	丙一破烦恼分四	丁一外人立义	<p>颂：“问曰：从忆想分别，生于贪患痴；净不净颠倒，皆从众缘生。”</p> <p>释：经说因净不净颠倒，忆想分别生贪患痴，是故当知有贪患痴。</p>
			戊一无自性门破	<p>颂：“答曰：若因净不净，颠倒生三毒；三毒即无性，故烦恼无实。”</p> <p>释：若诸烦恼因净不净颠倒，忆想分别生，即无自性。是故诸烦恼无实。</p>
			戊二以人例法破	<p>颂：“复次：我法有以无，是事终不成；无我诸烦恼，有无亦不成。”</p> <p>释：我无有因缘若有若无而可成，今无我诸烦恼云何以有无而可成，何以故？</p>
			戊三无属破	<p>颂：“谁有此烦恼，是即为不成；若离是而有，烦恼则无属。”</p> <p>释：烦恼名为能恼他，恼他者应是众生，是众生于一切处推求不可得。若谓离众生但有烦恼，是烦恼则无所属。若谓虽无我而烦恼属心，是事亦不然。何以故？</p>
			戊四五求破	<p>颂：“如身见五种，求之不可得；烦恼于垢心，五求亦不得。”</p> <p>释：如身见五阴中五种求不可得，诸烦恼亦于垢心中，五种求亦不可得；又垢心于烦恼中，五种求亦不可得。</p>
			戊五以因果明破	<p>颂：“复次：净不净颠倒，是则无自性；云何因此二，而生诸烦恼。”</p> <p>释：净不净颠倒者，颠倒名虚妄。若虚妄即无自性，无自性则无颠倒。若无颠倒云何因颠倒起诸烦恼？</p>
			丁三外人救破义	<p>颂：“问曰：色声香味触，及法为六种；如是之六种，是三毒根本。”</p> <p>释：是六入三毒根本，因此六入生净不净颠倒。因净不净颠倒生贪患痴。</p>
			戊一破六尘	<p>颂：“答曰：色声香味触，及法体六种；皆空如焰梦，如乾闥婆城。如是六种中，何有净不净；犹如幻化人，亦如镜中像。”</p> <p>释：色声香味触法自体，未与心和合时空无所有。如炎如梦，如化如镜中像。但诳惑于心无有定相，如是六入中何有净不净。</p>
			戊二破净不净倒	<p>颂：“复次：不因于净相，则无有不净；因净有不净，是故无不净。不因于不净，则亦无有净；因不净有净，是故无有净。”</p> <p>释：若不因于净，先无有不净。因何而说不净，是故无不净。若不因于净，先无有不净。因何而说不净，是故无不净。</p>
			戊三破三毒	<p>颂：“复次：若无有净者，云何而有贪；若无不净者，何由而有患。”</p> <p>释：无净不净故，则不生贪患。</p> <p>问曰：经说常等四颠倒，若无常中见常是名颠倒。若无常中见无常，此非颠倒。余三颠倒亦如是。有颠倒故，颠倒者亦应有。何故言都无？</p>

表 23-2：（2 表）观颠倒品 第二十三 分二

甲一破颠倒烦恼生义分二	乙一破烦恼颠倒分二	丙二破颠倒分三	丁一以性空门破倒分四	戊一破颠倒	颂：“答曰：于无常著常，是则名颠倒；空中无有常，何处有常倒。” 释：若于无常中著常，名为颠倒。 诸法性空中无有常，是中何处有常颠倒。余三亦如是。		
				戊二破不倒	颂：“复次：若于无常中，著无常非倒；空中无无常，何有非颠倒。” 释：若著无常言是无常，不名为颠倒者，诸法性空中无无常。 无常无故谁为非颠倒。余三亦如是。		
				戊三破执著	颂：“复次：可著著者著，及所用著法；是皆寂灭相，云何而有著。” 释：可著名物，著者名作者，著名业，所用法名所用事。 是皆性空寂灭相。 如如来品中所说，是故无有著。		
				戊四结破	颂：“复次：若无有著法，言邪是颠倒，言正不颠倒，谁有如是事。” 释：著名忆想分别此彼有无等，若无此著者，谁为邪颠倒，谁为正不颠倒。		
			丁二三时门破倒分二	戊一三时门破倒生	颂：“复次：有倒不生倒，无倒不生倒，倒者不生倒，不倒亦不倒。 若于颠倒时，亦不生颠倒，汝可自观察，谁生于颠倒。” 释：已颠倒者，则更不生颠倒，已颠倒故。 不颠倒者亦不颠倒，无有颠倒故。 颠倒时亦不颠倒，有二过故。 汝今除憍慢心，善自观察，谁为颠倒者。		
				戊二破倒不生	颂：“复次：诸颠倒不生，云何有此义；无有颠倒故，何有颠倒者。” 释：颠倒种种因缘破故，堕在不生。 彼贪着不生，谓不生是颠倒实相。 是故偈说云何名不生为颠倒。 乃至无漏法尚不名为不生相，何况颠倒是不生相。 颠倒无故何有颠倒者，因颠倒有颠倒者。		
			丁三实不实门破倒分二	戊一就倒破倒	颂：“复次：若常乐我净，而是实有者，是常乐我净，则非是颠倒。” 释：若常我乐净是四实有性者，是常我乐净则非颠倒。 何以故？定有实事故，云何言颠倒。 若谓常我乐净是四无者，无常苦无我不净，是四应实有，不名颠倒， 颠倒相违故。 若不颠倒，是事不然。何以故？		
				戊二就倒破不倒	颂：“若常乐我净，而实无有者，无常苦不净，是则亦应无。” 释：若常乐我净是四实无，实无故无常等四事亦不应有。 何以故？无相因待故。		
			乙二总结破意				颂：“复次：如是颠倒灭，无明则亦灭；以无无明故，诸行等亦灭。” 释：如是者如其义灭诸颠倒故，十二因缘根本无明亦灭，无明灭故 三种行业，乃至老死等皆灭。
			甲二破外灭颠倒烦恼义分二	乙一破性实烦恼不可灭			
乙二破假名烦恼无所灭				颂：“若烦恼虚妄，无性无属者，云何当可断，谁能断无性。” 释：若诸烦恼虚妄无性，则无所属，云何可断？ 谁能断无性法？			

表 24-1：（4 表）观四谛品 第二十四 分二

科判				颂释		
甲一外人叙论主执空之过分二	乙一叙论主无出世间法分二	丙一明无四谛		问曰：破四颠倒，通达四谛，得四沙门果。 颂：“若一切皆空，无生亦无灭；如是则无有，四圣谛之法。”		
		丙二明无三宝分三	丁一明无僧宝	颂：“以无四谛故，见苦与断集，证灭及修道，如是事皆无；以是事无故，则无四道果，无有四道果，得向者亦无；若无八贤圣，则无有僧宝。”		
			丁二过无法宝	颂：“以无四谛故，则无有法宝。”		
			丁三过无佛宝	颂：“以无法僧宝，亦无有佛宝。如是说空者，是则破三宝。” 释：若一切世间皆空无所有者，即应无生无灭。 以无生无灭故，则无四圣谛，何以故？ 从集谛生苦谛，集谛是因苦谛是果； 灭苦集谛名为灭谛，能至灭谛名为道谛，道谛是因灭谛是果。 如是四谛有因有果。 若无生无灭则无四谛。 四谛无故，则无见苦断集证灭修道。 见苦断集证灭修道无故，则无四沙门果。 四沙门果无故，则无四向四得者。 若无此八贤圣，则无僧宝。 又四圣谛无故，法宝亦无，若无法宝僧宝者，云何有佛。 得法名为佛，无法何有佛。 汝说诸法皆空，则坏三宝。		
	乙二叙论主执空无世间法		颂：“空法坏因果，亦坏于罪福，亦复悉毁坏，一切世俗法。” 释：若受空法者，则破罪福及罪福果报，亦破世俗法。 有如是等诸过故，诸法不应空。			
甲二论主破外人执有分三	乙一明外人迷空分二	丙一明外人迷空有过分四	丁一明外人不解三法生难		颂：“答曰：汝今实不能，知空空因缘，及知于空义，是故自生恼。” 释：汝不解云何是空相，以何因缘说空，亦不解空义。 不能如实知故，生如是疑难。	
			丁二明外人不解二法生难分二	戊一明佛依二谛无过	颂：“复次：诸佛依二谛，为众生说法，一以世俗谛，二第一义谛。若人不能知，分别于二谛，则于深佛法，不知真实义。” 释：世俗谛者，一切法性空，而世间颠倒故生虚妄法，于世间是实。诸贤圣真知颠倒性故，知一切法皆空无生，于圣人是第一义谛名为实。 诸佛依是二谛而为众生说法，若人不能如实分别二谛，则于甚深佛法不知实义。 若谓一切法不生是第一义谛，不须第二俗谛者，是亦不然。 何以故？	
				戊二明外人不识二谛有过	颂：“若不依俗谛，不得第一义，不得第一义，则不得涅槃。” 释：第一义皆因言说，言说是世俗，是故若不依世俗，第一义则不可说。 若不得第一义，云何得至涅槃。是故诸法虽无生而有二谛。	
			丁三明外人不解实相		颂：“复次：不能正观空，钝根则自害；如不善咒术，不善捉毒蛇。” 释：若人钝根不善解空法，于空有失而生邪见，如为利捉毒蛇不能善捉反为所害。 又如呪术欲有所作，不能善成则还自害。 钝根观空法亦如是。	
			丁四明外人不解空义		颂：“复次：世尊知是法，甚深微妙相，非钝根所及，是故不欲说。” 释：世尊以法甚深微妙，非钝根所解，是故不欲说。	

表 24-2：（4 表）观四谛品 第二十四 分二

甲二论主破外人执有分三	乙一明外人迷空分二	丙二明论主悟空故无过分四	丁一明空义无失		颂：“复次：汝谓我著空，而为我生过；汝今所说过，于空则无有。” 释：汝谓我著空故，为我生过。 我所说性空，空亦复空。无如是过。	
			丁二明空义为得		颂：“复次：以有空义故，一切法得成，若无空义者，一切则不成。” 释：以有空义故，一切世间出世间法皆悉成就。 若无空义则皆不成就。	
			丁三明执有为过分三	戊一明外人回过论主	颂：“复次：汝今自有过，而以回向我，如人乘马者，自忘于所乘。” 释：汝于有法中有过不能自觉，而于空中见过。 如人乘马而忘其所乘。何以故？	
				戊二明无因缘过	颂：“若汝见诸法，决定有性者，即为见诸法，无因亦无缘。” 释：汝说诸法有定性，若尔者则见诸法无因无缘。何以故？ 若法决定有性，则应不生不灭。如是法何用因缘。 若诸法从因缘生则无有性，是故诸法决定有性则无因缘。 若谓诸法决定住自性，是则不然。何以故？	
				戊三明三种过失	颂：“即为破因果，作作者作法，亦复坏一切，万物之生灭。” 释：诸法有定性，则无因果等诸事。如偈说：	
			丁四引经证空义无过		颂：“众因缘生法，我说即是空，亦为是假名，亦是中道义。 未曾有一法，不从因缘生，是故一切法，无不是空者。” 释：众因缘生法，我说即是空。何以故？ 众缘具足和合而物生，是物属众因缘故无自性，无自性故空。 空亦复空，但为引导众生故以假名说。 离有无二边故名为中道。 是法无性故不得言有，亦无空故不得言无。 若法有性相则不待众缘而有，若不待众缘则无法，是故无有不空法。 汝上所说空法有过者，此过今还在汝。何以故？	
	乙二破外人有著分二	丙一重明无四谛三宝过分二	丁一明无四谛过分三	戊一总明无四谛		颂：“若一切不空，则无有生灭；如是则无有，四圣谛之法。” 释：若一切法各各有性不空者，则无有生灭。 无生灭故，则无四圣谛法。何以故？
				戊二别明无四谛分四	己一明无苦谛	颂：“若不从缘生，云何当有苦，无常是苦义，定性无无常。” 释：苦不从缘生故则无苦。 何以故？经说无常是苦义。 若苦有定性，云何有无常？以不舍自性故。
					己二明无集谛	颂：“复次：若苦有定性，何故从集生，是故无有集，以破空义故。” 释：若苦有定性者，则不应更生，先已有故。 若尔者则无集谛，以坏空义故。
					己三明无灭谛	颂：“复次：苦若有定性，则不应有灭，汝著定性故，即破于灭谛。” 释：苦若有定性者，则不应灭。何以故？性则无灭故。
					己四明无道谛	颂：“复次：苦若有定性，则无有修道，若道可修习，即无有定性。” 释：法若定有则无有修道。何以故？ 若法实者则是常，常则不可增益。 若道可修，道则无有定性。
				戊三总结无四谛		颂：“复次：若无有苦谛，及无集灭谛，所可灭苦道，竟为何所至。” 释：诸法若先定有性，则无苦集灭谛。 今灭苦道竟为至何灭苦处？

表 24-3: (4 表) 观四谛品 第二十四 分二

甲二论主破外人执有分三	乙二破外人有著分二	丙一重明无四谛三宝过分二	丁二明无三宝过分二	戊一总明无三宝分二	己一别明无僧宝分三	庚一明外人无四行	颂：“复次：若苦定性有，先来所不见，于今云何见，其性不异故。” 释：若先凡夫时，不能见苦性。 今亦不应见，何以故？ 不见性定故。 颂：“复次：如见苦不然，断集及证灭，修道及四果，是亦皆不然。” 释：如苦谛性先不见者后亦不应见。 如是亦不应有断集证灭修道。 何以故？ 是集性先来不断，今亦不应断，性不可断故。 灭先来不证，今亦不应证，先来不证故。 道先来不修，今亦不应修，先来不修故。 是故四圣谛，见断证修四种行皆不应有。 四种行无故，四道果亦无。何以故？
						庚二明外人无果向	颂：“是四道果性，先来不可得，诸法性若定，今云何可得。” 释：诸法若有定性，四沙门果先来未得，今云何可得？ 若可得者，性则无定。
						庚三总结无僧宝	颂：“复次：若无有四果，则无得向者；以无八圣故，则无有僧宝。” 释：无四沙门果故，则无得果向者。 无八贤圣故，则无有僧宝。 而经说八贤圣，名为僧宝。
					己二别明无佛法二宝	颂：“复次：无四圣谛故，亦无有法宝；无法宝僧宝，云何有佛宝。” 释：行四圣谛得涅槃法，若无四谛则无法宝，若无二宝云何当有佛宝？ 汝以如是因缘说诸法定性，则坏三宝。 问曰：汝虽破诸法，究竟道阿耨多罗三藐三菩提应有，因是道故名为佛。	
				戊二别明外人无因果分二	己一破其人法	颂：“答曰：汝说则不因，菩提而有佛，亦复不因佛，而有于菩提。” 释：汝说诸法有定性者，则不应因菩提有佛，因佛有菩提，是二性常定故。	
					己二破无因果	颂：“复次：虽复勤精进，修行菩提道，若先非佛性，不应得成佛。” 释：以先无性故，如铁无金性，虽复种种锻炼终不成金。	
		丙二重明无因果过分二	丁一明外人无罪福因果分二	戊一明无造罪福之人	颂：“复次：若诸法不空，无作罪福者，不空何所作，以其性定故。” 释：若诸法不空，终无有人作罪福者。何以故？ 罪福性先已定故。又无作作者故。		
				戊二明无所造之法分二	己一明因果相离无罪福	颂：“复次：汝于罪福中，不生果报者，是则离罪福，而有诸果报。” 释：汝于罪福因缘中，皆无果报者，则应离罪福因缘而有果报。 何以故？果报不待因出故。 问曰：离罪福可无善恶果报，但从罪福有善恶果报。	
					己二明因果不相离无罪福	颂：“答曰：若谓从罪福，而生果报者，果从罪福生，云何言不空。” 释：若离罪福无善恶果，云何言果不空。 若尔离作者则无罪福。 汝先说诸法不空，是事不然。	

表 24-4：（4 表）观四谛品 第二十四 分二

甲二论主破外人执有分三	乙二破外人有著分二	丙二重明无因果过分二	丁二明外人无世俗法分二	戊一总明无世俗法		颂：“复次：汝破一切法，诸因缘空义，则破于世俗，诸余所有法。” 释：汝若破众因缘法第一空义者，则破一切世俗法。 何以故？
				戊二别明无世俗法分二	己一明无人法之体	颂：“若破于空义，即应无所作，无作而有作，不作名作者。” 释：若破空义，则一切果皆无作无因。 又不作而作。又一切作者不应有所作。 又离作者，应有业有果报有受者。 但是事皆不然，是故不应破空。
					己二明失万物之相	颂：“复次：若有决定性，世间种种相，则不生不灭，常住而不坏。” 释：若诸法有定性，则世间种种相，天人畜生万物，皆应不生不灭常住不坏。 何以故？有实性不可变异故。 而现见万物，各有变异相，生灭变易是故不应有定性。
	乙三诫劝外人学因缘				颂：“复次：若无有空者，未得不应得，亦无断烦恼，亦无苦尽事。” 释：若无有空法者，则世间出世间所有功德，未得者皆不应得，亦不应有断烦恼者，亦无苦尽。 何以故？以性定故。 颂：“是故经中说，若见因缘法，则为能见佛，见苦集灭道。” 释：若人见一切法从众缘生，是人即能见佛法身，增益智慧。 能见四圣谛苦集灭道。 见四圣谛得四果灭诸苦恼，是故不应破空义。 若破空义则破因缘法。 破因缘法，则破三宝。 若破三宝，则为自破。	

表 25-1：（3 表）观涅槃品 第二十五 分三

科判					颂释
甲一论涅槃分二	乙一论涅槃之邪正分二	丙一明破邪申正分二	丁一略破邪涅槃分二	戊一外人明破空非涅槃	颂：“问曰：若一切法空，无生无灭者，何断何所灭，而称为涅槃。” 释：若一切法空，则无生无灭。 无生无灭者，何所断何所灭，而名为涅槃。 是故一切法不应空。 以诸法不空故，断诸烦恼灭五阴，名为涅槃。
				戊二论主明破有非涅槃	颂：“答曰：若诸法不空，则无生无灭，何断何所灭，而称为涅槃。” 释：若一切世间不空，则无生无灭，何所断何所灭，而名为涅槃。 是故有无二门，则非至涅槃。所名涅槃者：
			丁二略明正涅槃		颂：“无得亦无至，不断亦不常，不生亦不灭，是说名涅槃。” 释：无得者，于行于果无所得。无至者，无处可至。 不断者，五阴先来毕竟空故，得道入无余涅槃时，亦无所断。 不常者，若有法可得分别者，则名为常。 涅槃寂灭无法可分别故，不名为常。 生灭亦尔，如是相者名为涅槃。

表 25-2: (3 表) 观涅槃品 第二十五 分三

甲 一论涅槃分二	乙 一论涅槃之邪正分二	丙 二广破邪涅槃分三	丁 一破有无是涅槃分二	戊 一别破有无是涅槃分三	庚 一老死相破	<p>“复次，经说涅槃非有非无，非有无、非非有非非无，一切法不受，内寂灭名涅槃。”</p> <p>颂：“涅槃不名有，有则老死相，终无有有法，离于老死相。”</p> <p>释：眼见一切万物皆生灭故是老死相。</p> <p>涅槃若有有则应有老死相。但是事不然。是故涅槃不名有。</p> <p>又不见离生灭老死别有定法而名涅槃。</p> <p>若涅槃是有即应有生灭老死相，以离老死相故，名为涅槃。</p>				
					庚 二有为破	<p>颂：“复次：若涅槃是有，涅槃即为，终无有一法，而是无为者。”</p> <p>释：涅槃非是有。何以故？一切万物从众缘生，皆是有为。</p> <p>无有一法名为无为者，虽常法假名无为。</p> <p>以理推之，无常法尚无有，何况常法不可见不可得者。</p>				
					庚 三有受破	<p>颂：“复次：</p> <p>若涅槃是有，云何名无受，无有不从受，而名为有法。”</p> <p>释：若谓涅槃是有法者，经则不应说无受是涅槃。何以故？</p> <p>无有有法不受而有，是故涅槃非有。</p>				
					己 二破无是涅槃分二	庚 一事相破	<p>问曰：若有非涅槃者，无应是涅槃。</p> <p>颂：“答曰：</p> <p>有尚非涅槃，何况于无耶，涅槃无有有，何处当有无。”</p> <p>释：若有非涅槃，无云何是涅槃。何以故？因有故有无。</p> <p>若无有云何有无。如经说：先有今无则名无。涅槃则不尔。</p> <p>何以故？非有法变为无故，是故无亦不作涅槃。</p>			
				庚 二著破		<p>颂：“复次：</p> <p>若无是涅槃，云何名不受，未曾有不受，而名为涅槃。”</p> <p>释：若谓无是涅槃，经则不应说不受名涅槃。何以故？</p> <p>无有不受而名无法，是故知涅槃非无。</p>				
				戊 二合破有无是涅槃	<p>问曰：若涅槃非有非无者，何等是涅槃？</p> <p>颂：“答曰：</p> <p>受诸因缘故，轮转生死中，不受诸因缘，是名为涅槃。”</p> <p>释：不如实知颠倒故，因五受阴往来生死。</p> <p>如实知颠倒故，则不复受，因五受阴往来生死。</p> <p>无性五阴不复相续故，说名涅槃。</p> <p>颂：“如佛经中说，断有断非有，是故知涅槃，非有亦非无。”</p> <p>释：有名三有，非有名三有断灭。</p> <p>佛说断此二事故，当知涅槃非有亦非无。</p>					
					丁 二破亦有亦无是涅槃分四	戊 一解脱破	<p>问曰：若有若无非涅槃者，今有无共合是涅槃耶？</p> <p>颂：“答曰：</p> <p>若谓于有无，合为涅槃者，有无即解脱，是事则不然。”</p> <p>释：若谓有无合为涅槃者，即有无二事合为解脱。</p> <p>是事不然。何以故？有无二事相违，云何一处有。</p>			
						戊 二有受破	<p>颂：“复次：</p> <p>若谓于有无，合为涅槃者，涅槃非无受，是二从受生。”</p> <p>释：若有无合为涅槃者，经不应说涅槃名无受。何以故？</p> <p>有无二事从受生，相因而有，是故有无二事不得合为涅槃。</p>			
						戊 三有为破	<p>颂：“复次：</p> <p>有无共合成，云何名涅槃，涅槃名无为，有无是有为。”</p> <p>释：有无二事共合，不得名涅槃。</p> <p>涅槃名无为，有无是有为，是故有无非是涅槃。</p>			
						戊 四相违破	<p>颂：“复次：</p> <p>有无二事共，云何是涅槃，是二不同处，如明暗不俱。”</p> <p>释：有无二事不得名涅槃。何以故？有无相违一处不可得。</p> <p>如明暗不俱，是故有时无无，无时无有，云何有无共合而名为涅槃。</p>			

表 25-3: (3 表) 观涅槃品 第二十五 分三

甲一论涅槃分二	乙一论涅槃之邪正分二	丙二广破邪涅槃分三	丁三破非有非无涅槃分二	戊一分别破	问曰：若有若无共合非涅槃者，今非有非无应是涅槃。 颂：“答曰： 若非有非无，名之为涅槃，此非有非无，以何而分别。” 释：若涅槃非有非无者，此非有非无因何而分别。 是故非有非无是涅槃者。是事不然。
				戊二取意破	颂：“复次： 分别非有无，如是名涅槃，若有无成者，非有非无成。” 释：汝分别非有非无是涅槃者，是事不然。何以故？ 若有无成者，然后非有非无成，有相违名无，无相违名有，是有无第三句中已破。 有无无故，云何有非有非无，是故涅槃非非有非非无。
	乙二论能证之人邪正				颂：“复次：如来灭度后，不言有与无，亦不言有无，非有及非无。如来现在时，不言有与无，亦不言有无，非有及非无。” 释：若如来灭后、若现在有如来亦不受，无如来亦不受，亦有如来亦无如来亦不受，非有如来非无如来亦不受。 以不受故，不应分别涅槃有无等。离如来谁当得涅槃，何时何处何以何法说涅槃？ 是故一切时一切种求涅槃相不可得。
甲二论生死分二	乙一明世间与涅槃平等分二	丙一世出世间平等		颂：“复次： 涅槃与世间，无有少分别，世间与涅槃，亦无少分别。” 释：五阴相续往来因缘故，说名世间。 五阴性毕竟空无受寂灭，此义先已说。 以一切法不生不灭故，世间与涅槃无有分别，涅槃与世间亦无分别。	
		丙二明二际平等		颂：“复次： 涅槃之实际，及与世间际，如是二际者，无毫厘差别。” 释：究竟推求世间涅槃实际无生际，以平等不可得故，无毫厘差别。	
	乙二明涅槃与诸见平等分二	丙一明诸见		颂：“复次： 灭后有无等，有边等常等，诸见依涅槃，未来过去世。” 释：如来灭后有如来无如来，亦有如来亦无如来，非有如来非无如来。 世间有边世间无边，世间亦有边亦无边，世间非有边非无边。 世间常世间无常，世间亦常亦无常，世间非有常非无常。 此三种十二见，如来灭后有无等四见依涅槃起。 世间有边无边等四见依未来世起。 世间常无常等四见依过去世起。 如来灭后有无等不可得，涅槃亦如是。 如世间前际后际有边无边有常无常等不可得，涅槃亦如是。 是故说世间涅槃等无有异。	
		丙二明诸见空		颂：“复次：一切法空故，何有边无边，亦边亦无边，非有非无边。何者为一异，何有常无常，亦常亦无常，非常非无常。”	
甲三总结	颂：“诸法不可得，灭一切戏论，无人亦无处，佛亦无所说。” 释：一切法一切时一切种，从众缘生故，毕竟空故无自性。 如是法中何者是有边谁为有边？ 何者是无边、亦有边亦无边、非有边非无边？谁为非有边非无边？何者是常谁为是常？ 何者是无常？常无常非常非无常？谁为非常非无常？何者身即是神？何者身异于神？ 如是等六十二邪见，于毕竟空中皆不可得。 诸有所得皆息，戏论皆灭，戏论灭故，通达诸法实相得安隐道从因缘品来。 分别推求诸法，有亦无、无亦无、有无亦无、非有非无亦无，是名诸法实相。 亦名如法性实际涅槃。是故如来无时无处为人说涅槃定相。 是故说诸有所得皆息戏论皆灭。				

表 26: (1 表) 观十二因缘品 第二十六 分二

科判			颂释
甲一明顺观十二因缘分二	乙一别明十二因缘观分十二	丙一辩无明支	问曰：汝以摩诃衍说第一义道，我今欲闻说声闻法入第一义道。 颂：“答曰：众生痴所覆。”
		丙二辩行支	颂：“为后起三行，以起是行故，随行入六趣。”
		丙三明识支	颂：“以诸行因缘，识受六道身。”
		丙四明名色支	颂：“以有识著故，增长于名色。”
		丙五明六入支	颂：“名色增长故，因而生六入。”
		丙六明触支	颂：“情尘识和合，以生于六触。”
		丙七明受支	颂：“因于六触故，即生于三受。”
		丙八明爱支	颂：“以因三受故，而生于温爱。”
		丙九明取支	颂：“因爱有四取”
		丙十明有支	颂：“因取故有有，若取者不取，则解脱无有。”
		丙十一明生支	颂：“从有而有生”
		丙十二明老死支	颂：“从生有老死，从老死故有，忧悲诸苦恼。”
	乙二总结过患		颂：“如是等诸事，皆从生而有；但以是因缘，而集大苦阴，是谓为生 死；诸行之根本，无明者所造。”
甲二明逆观十二因缘		颂：“智者所不为，以是事灭故；是事则不生，但是苦阴聚，如是而正灭。” 释：凡夫为无明所盲故，以身口意业，为后身起六趣诸行，随所起行有上中下识，入六趣随行受身。 以识著因缘故名色集，名色集故有六入，六入因缘故有六触，六触因缘故有三受，三受因缘故生渴爱，渴爱因缘故有四取，四取取时以身口意业起罪福。 令后三有相续，从有而有，从生而有老死，从老死有忧悲苦恼种种众患。 但有大苦阴集，是故知凡夫无智，起此生死诸行根本。 智者所不起，以如实见故，则无明灭，无明灭故诸行亦灭，以因灭故果亦灭。 如是修习观十二因缘生灭智故是事灭。 是事灭故乃至生老死忧悲大苦阴皆如实正灭。 正灭者毕竟灭，是十二因缘生灭义。 如阿毘昙修多罗中广说。	

表 27-1: (4 表) 观邪见品 第二十七 分二

科判				颂释		
甲一明小乘邪见分二	乙一明过去四见			问曰：已闻大乘法破邪见，今欲闻声闻法破邪见。 颂：“答曰：我于过去世，为有为是无，世间等常见，皆依过去世。”		
	乙二明未来四见			颂：“我于未来世，为作为不作，有边等诸见，皆依未来世。” 释：我于过去世为有无，为有无为非有非无，是名常等诸见依过去世。 我于未来世为作为不作，为作不作为非作非不作，是名边无边等诸见依未来世。 如是等诸邪见，何因缘故名为邪见？ 是事今当说：		
甲二论主破邪见分二	乙一就理破二世八见分二	丙一广破初四见分三	丁一破常有四句分二	戊一总破		颂：“过去世有我，是事不可得，过去世中我，不作今世我。”
				戊二别破分四	己一破离阴我	颂：“若谓我即是，而身有异相。若当离于身，何处别有我；离身无有我，是事为已成。”
					己二破即阴我	颂：“若谓身即我，若都无有我。但身不为我，身相生灭故；云何当以受，而作于受者。”
					己三重破离阴我	颂：“若离身有我，是事则不然；无受而有我，而实不可得。”

表 27-2: (4 表) 观邪见品 第二十七 分二

甲二论主破邪见分二	颂: “今我不离受, 亦不即是受; 非无受非无, 此即决定义。”
乙一就理破二世八见分二	释: 我于过去世有者, 是事不然, 何以故? 先世中我不即作今我, 有常过故。若常则有无量过, 何以故? 如人修福因缘故作旃陀罗, 后作婆罗门。若先世我即是今我者, 旃陀罗即是婆罗门。 又如以罪业因缘故作旃陀罗, 后作婆罗门。若先世我即是今我者, 旃陀罗即是婆罗门。 譬如舍卫国婆罗门名提婆达, 到王舍城亦名提婆达, 不以至王舍城故为异。 若先作天后作人, 则天即是人, 旃陀罗即是婆罗门。但是事不然, 何以故? 天不即是人, 旃陀罗不即是婆罗门, 有此等常过故。 若谓先世我不作今我, 如人浣衣时名为浣者, 刈时名为刈者。 而浣者与刈者虽不异, 而浣者不即是刈者。
丙一广破初四见分三	如是我受天身名为天, 我受人身名为人, 我不异而身有异者, 是事不然, 何以故? 若即是者不应言天作人, 今浣者于刈者, 为异为不异。 若不异浣者应即是刈者。如是先世天即是人, 旃陀罗即是婆罗门, 我亦有常过。 若异者浣者即不作刈者, 如是天不作人, 我亦无常。无常则无我相, 是故不得言即是。 问曰: 我即是, 但因受故分别是天是人, 受名五阴身, 以业因缘故分别是天是人旃陀罗是婆罗门。而我实非天非人, 非旃陀罗非婆罗门, 是故无如是过。
丁一破常有四句分二	答曰: 是事不然, 何以故? 若身作天作人, 作旃陀罗作婆罗门, 非是我者。 则离身别有我。今罪福生死往来, 皆是身非是我。罪因缘故堕三恶道, 福因缘故生三善道。 若苦乐瞋喜忧怖等, 皆是身非我者, 何用我为? 如治俗人罪, 不豫出家人。五阴因缘相续罪福不失故有解脱。若皆是身非我者, 何用我为? 问曰: 罪福等依止于我, 我有所知身无所知故。知者应是我, 起业因缘罪福是作法, 当知应有作者, 作者是我, 身是我所用, 亦是我所住处。譬如舍主以草木泥墍等治舍, 自为身故随所用治舍有好恶。我亦如是, 随作善恶等得好丑身。
戊二别破分四	六道生死皆我所作, 是故罪福之身皆属于我。譬如舍但属舍主不属他人。 答曰: 是喻不然, 何以故? 舍主有形, 有触有力故能治舍。 汝所说我无形无触故无作力, 自无作力亦不能使他作。 若世间有一法无形无触能有所作者, 我则可信受知有作者, 但是事不然。 若我是作者, 则不应自作苦事。若是念者可贪乐事不应忘失。 若我不作苦而苦强生者, 余一切皆亦自生, 非我所作。 若见者是我, 眼能见色眼应是我。若眼见而非我, 则违先言见者是我。 若见者是我, 我则不应得闻声等诸尘。何以故? 眼是见者, 不能得闻声等尘故。是故我是见者, 是事不然。 若谓如刈者用鎌刈草, 我亦如是以手等能有所作者, 是喻不然。 何以故? 今离鎌别有刈者, 而离身心诸根无别作者。 若谓作者虽非眼耳等所得亦有作者, 则石女儿能有所作。 如是一切诸根皆应无我。若谓右眼见物而左眼识, 当知别有见者, 是事不然。 今右手习作左手不能, 是故无别有作者。 若别有作者, 右手所习左手亦应能, 而实不能, 是故更无作者。
已四明非即离有无	复次有我者言, 见他食果口中涎出, 是为我相。是事不然, 何以故? 是念力故非是我力。 又亦即是破我因缘, 人在众中愧于涎出, 而涎强出不得自在, 当知无我。 复次又有颠倒过罪, 先世是父今世为子, 是父子我一, 但身有异。 如从一舍至一舍, 父故是父, 不以入异舍故便有异。若有我是二应一, 如是则有大过。 若谓无我五阴相续中亦有是过, 是事不然。何以故? 五阴虽相续, 或时有用或时无用。 如蒲桃浆持戒者应饮蒲桃酒不应饮。若变为苦酒还复应饮。 五阴相续亦如是, 有用有不用, 若始终一我有如是过, 五阴相续无如是过。但五阴和合故假名为我无有决定。 如梁椽和合有舍, 离梁椽无别舍。如是五阴和合故有我, 若离五阴实无别我。 是故我但有假名无有定实。汝先说离受别有受者, 以受分别受者是天是人, 是皆不然。 当知但有受无别受者。若谓离受别有我, 是事不然。若离受有我, 云何可得说是我相。 若无相可说, 则离受无我。若谓离身无我但身是我, 是亦不然。何以故? 身有生灭相, 我则不尔。复次云何以受即名受者? 若谓离受有受者, 是事亦不然。 若不受五阴而有受者, 应离五阴别有受者。眼等根可得而实不可得, 是故我不离受, 不即是受, 亦非无受, 亦复非无。此是定义。是故当知, 过去世有我者, 是事不然。何以故?

表 27-3: (4 表) 观邪见品 第二十七 分二

甲二论主破邪见分二	乙一就理破二世八见分二	丙一广破初四见分三	丁二破断无四句分二	戊一总破	颂: “过去我不作, 是事则不然; 过去世中我, 异今亦不然。”
				戊二别破	颂: “若谓有异者, 离彼应有今; 我住过去世, 而今我自生。” 颂: “如是则断灭, 失于业果报, 彼作而此受, 有如是等过。” 颂: “先无而今有, 此中亦有过, 我则是作法, 亦为是无因。” 释: 过去世中我不作今我, 是事不然, 何以故? 过去世中我与今我不异。 若今我与过去世我异者, 应离彼我而有今我。 又过去世我, 亦应住彼, 此身自更生。 若尔者即堕断边, 失诸业果报。 又彼人作罪此人受报, 有如是等无量过。 又是我应先无而今有, 是亦有过。 我则是作法, 亦是无因生。 是故过去我不作今我。是事不然。
			丁三共破有我		颂: “复次: 如过去世中, 有我无我见, 若共若不共, 是事皆不然。” 释: 如是推求过去世中邪见, 有无亦有亦无, 非有非无是诸邪见, 先说因缘过故。是皆不然。
		丙二略破未来世四见		颂: “我于未来世, 为作为不作, 如是之见者, 皆同过去世。” 释: 我于未来世中, 为作为不作, 如是四句。 如过去世中过咎, 应在此中说。	
	乙二破二世八见分二	丙一破过去世四见分二	丁一就即事破于四见分四	戊一明即常	颂: “复次: 若天即是人, 则堕于常边, 天则为无生, 常法不生故。” 释: 若天即是人是则为常, 若天不生人中, 云何名为人。 常法不生故, 常亦不然。
				戊二明异无常	颂: “复次: 若异于人, 是即为无常, 若天异人者, 是则无相续。” 释: 若天与人异则为无常, 无常则为断灭等过, 如先说过。 若天与人异则无相续, 若有相续不得言异。
				戊三明亦常无常	颂: “复次: 若半天半人, 则堕于二边, 常及于无常, 是事则不然。” 释: 若众生半身是天半身是人, 若尔则有常无常。 半天是常, 半人是无常, 但是事不然。何以故? 一身有二相过故。
				戊四明非常无常	颂: “复次: 若常及无常, 是二俱成者, 如是则应成, 非常非无常。” 释: 若常无常二俱成者, 然后成非常非无常, 与常无常相违故, 今实常无常不成。 是故非常非无常亦不成。 复次今生死无始, 是亦不然。何以故?
			丁二就根本破四见分二	戊一就无始破常义	颂: “法若定有来, 及定有去者, 生死则无始, 而实无此事。” 释: 法若决定有所从来, 有所从去者, 生死则应无始。 是法以智慧推求, 不得有所从来有所从去。 是故生死无始, 是事不然。
				戊二例破后三句	颂: “复次: 今若无有常, 云何有无常, 亦常无常, 非常非无常。” 释: 若尔者, 以智慧推求, 无法可得常者, 谁当有无常? 因常有无常故, 若二俱无者云何有亦有常亦无常。 若无有常无常, 云何有非有常非无常。 因亦有常亦无常故, 有非有常非无常。 是故依止过去世常等四句不可得, 有边无边等四句依止未来世, 是事不可得。 今当说。何以故?

表 27-4: (4 表) 观邪见品 第二十七 分二

甲二论主破邪见分二	乙二破二世八见分二	丙二破未来四见分三	丁一破边无边分四	戊一标邪见门	颂: “若世间有边, 云何有后世; 若世间无边, 云何有后世。” 释: 若世间有边, 不应有后世。 而今实有后世, 是故世间有边不然。 若世间无边, 亦不应有后世。 而实有后世, 是故世间无边亦不然。 复次, 是二边不可得。何以故?
				戊二标正见门	颂: “五阴常相续, 犹如灯火焰; 以是故世间, 不应边无边。” 释: 从五阴复生五阴, 是五阴次第相续。 如众缘和合有灯焰, 若众缘不尽灯则不灭, 若尽则灭。 是故不得说世间有边无边。
				戊三破邪见门	颂: “复次: 若先五阴坏, 不因是五阴, 更生后五阴, 世间则有边。” 颂: “若先阴不坏, 亦不因是阴, 而生后五阴, 世间则无边。” 释: 若先五阴坏, 不因是五阴更生后五阴, 如是则世间有边。 若先五阴灭已, 更不生余五阴, 是名为边, 边名末后身。 若先五阴不坏, 不因是五阴而生后五阴, 世间则无边, 是则为常。 而实不尔。 是故世间无边, 是事不然。 世间有二种: 国土世间, 众生世间。 此是众生世间。复次如四百观中说。
				戊四释正见门	颂: “真法及说者, 听者难得故; 如是则生者, 非有边无边。” 释: 不得真法因缘故, 生死往来无有边。 或时得闻真法得道故, 不得言无边。今当更破亦有边亦无边。
			丁二破亦有亦无边分二	戊一总非	颂: “若世半有边, 世间半无边, 是则亦有边, 亦无边不然。” 释: 若世间半有边半无边, 则应是亦有边亦无边。 若尔者, 则一法二相, 是事不然。何以故?
				戊二正破	颂: “彼受五阴者, 云何一分破, 一分而不破, 是事则不然。” 颂: “受亦复如是, 云何一分破, 一分而不破, 是事亦不然。” 释: 受五阴者, 云何一分破? 一分不破? 一事不得亦常亦无常。 受亦如是, 云何一分破? 一分不破? 常无常二相过故, 是故世间亦有边亦无边则不然。 今当破非有边非无边见。
			丁三破非有非无边		颂: “若亦有无边, 是二得成者, 非有非无边, 是则亦应成。” 释: 与有边相违故有无边, 如长相违有短。 与有无相违, 则有亦有亦无。与亦有亦无相违故, 则有非有非无。 若亦有边亦无边定成者, 应有非有边非无边, 何以故? 因相待故。 上已破亦有边亦无边第三句, 今云何当有非有边非无边, 以无相待故。 如是推求, 依止未来世有边等四见皆不可得。

表 28: (1 表) 重明大乘观行 推功归佛 (流通分) 分二

科判	颂释
甲一重明大乘观行	颂: “复次: 一切法空故, 世间常等见, 何处于何时, 谁起是诸见。” 释: 上以声闻法破诸见, 今此大乘法中说, 诸法从本以来毕竟空性。 如是空性法中无人无法, 不应生邪见正见。 处名土地, 时名日月岁数, 谁名为人是名诸见体? 若有常无常等决定见者, 应当有人出生此见, 破我故无人, 生是见应有处所, 色法现见尚可破, 何况时方? 若有诸见者应有定实, 若定则不应破。 上来以种种因缘破, 是故当知见无定体云何得生? 如偈说: 何处于何时, 谁起是见。
甲二推功归佛	颂: “瞿昙大圣主, 怜悯说是法, 悉断一切见, 我今稽首礼。” 释: 一切见者, 略说则五见, 广说则六十二见, 为断是诸见故说法。 大圣主瞿昙, 是无量无边不可思议智慧者, 是故我稽首礼。